



Հայկական գիտահետազոտական հանգույց Armenian Research & Academic Repository



Սույն աշխատանքն արտոնագրված է «Ստեղծագործական համայնքներ
ոչ առևտրային իրավասություն 3.0» արտոնագրով

**This work is licensed under a Creative Commons Attribution-NonCommercial
3.0 Unported (CC BY-NC 3.0) license.**

Դու կարող ես.

պատճենել և տարածել նյութը ցանկացած ձևաչափով կամ կրիչով
ձևափոխել կամ օգտագործել առկա նյութը ստեղծելու համար նորը

You are free to:

Share — copy and redistribute the material in any medium or format

Adapt — remix, transform, and build upon the material

70
1018

Հարկաւորագրաց ԿԻ

ՊԸԼԸ-ՊՈՒՂԻ

ԻՄԱՏՏԱՍԷՐ ԵՒ ԱՌԱԿԱԽՕՍ

ՀԱՅՈՑ

Երկրորդ սպագրութիւն

Տպագրուեցաւ ծախսով մեծապատիւ պարոն

ԻՍԱԶԱՆԻ ԹԻԻՆԻԲԷԿԵԱՆՑ

ՎԱԴԱՐՇԱՊԱՏ

Տպարան Մայր Աթոռոյ Սրբոյ Էջմիածնի


1904

10
1018 +

ՊԸԼԸ-ՊՈՒՂԻ

ԻՄԱՍՏԱՍԷՐ ԵՒ ԱՌԵԿԱԽՈՍ

ՀԱՅՈՑ



Երկրորդ տպագրութիւն



ՎԱԳԱՐՇԱՊԱՏ

Տպարան Մայր Աթոռոյ Սրբոյ Էջմիածնի

1904

Дозволено цензурою 9 Февраля 1904 г.
г. Тифлисъ.

1065266

ՄԵԾԵՊԵՏԻԻ ՊԵՐՈՆ ԻՍԸՋԱՆ ԹԻՒՆԻՐԻԿԵԱՆՅՑ

Ի Թիփլիս

Ամենասիրելի հայրենակիցդ իմ.

Հատ և շատ ցաւալի է տեսնել՝ որ Հայ ժողովուրդն-արական և իզական՝ ամենամեծ մասամբ կարգում է օտար լեզուներով գրուած գրքեր, մանաւանդ անբարոյականացնող վէպեր, պատճառաբանելով՝ թէ չկայ Հայոց գրականութեան մէջ հանրամատչելի, զուարճալի, հրահանգիչ, խրատական և միանգամայն ընթերցանութեան ախորժակը զրգռող գիրք: Այդ ընտրելագոյն և շինողական յատկութիւնները ունի միայն Հայոց իմաստասէր և առակախօս Պըրը-Պուղին, որի Ա. տպագրութիւնն արդէն սպառուած է վազուց՝ թողլով Հայ հասարակութեան մէջ ուշադրաւ համակրութիւն: Հայ համայնքի այդ համակրութիւնն ստիպեց արեգարդ ծերունիս պատրաստել Բ. տպագրութեան համար նոյնը հանրամատչելի լեզուով: Որը և անա մեծ

վստահութեամբ և խորին յարգանքօք նուիրում եմ Ձերդ սիրելութեան, որպէս զի Ձեր և Ձերայնոց պանծալի անունն և յիշատակն ևս անմահանայ զըրբիս հետ յաւիտեան, որով միշտ կմնամ աղօթարար և երախտապարտ խոնարհ ծառայ Հայոց.

Մակար Եպիս. Բարխուսարեանց

Բա՛ն զս յիմանա ի վրայոց սոս և ոսան
 Եմնաաննա մարարի մ մարարա-մրգ տիրոս
 Եստոցր իոյմնորոյ դասո ի նորոյալ դնասան
 Քի բանաւմայարարայնո բնուաման զմզգր
 բոյա՛ յոյ՛ ին իոյմնորոյնումաւոյ զմիս
 -գասար զմնասանապան զն մամկնամարար
 -արմոյն մ մարարաւոյ զմնամնոց միսմ
 բոսոցս զմնեզոյա մամկնամարար զմն միսն
 -ասլ մարարան; մ մարարարան զմն գոյմ
 -ասանն զոյա՛ միսն միսն զմնամնոյն
 -արա մ միս մարար-գոյ ոսայարար մ գն
 'բարարի ի ճատարա միսն մմկնոց
 ասարա զն մամկնոյնարար զմն իպրոկ
 -անա՛ զյա իպրոկոն զմն մմկնոյնարար
 սիսնոյնն զոյա՛ զմիսն զմնամնոյն
 -զմնամնոց մամկնոյնարար մ մմնոյնարար
 Եմն ա՛ն մ զմն մարար զմնամնոյնարար զմ

Յ Ա Ռ Ս Ղ Ս Բ Ա Ն

Հարկ չկայ ասել թէ քաղաքական աշխարհն արդէն ընդունած է զուարեարանութիւնը իբրեւ կեանքի օգտակար միջոցներից մին. քանզի զուարճարանութիւնն զէթ առ վայր մի փարատում է տրտմութիւնը, հեռացնում է սրտամաշ մտածմունքը, ցրուում է հոգեկան մեղամաղձութիւնները, մեղմում է տխրութիւնը եւ մարմնական ցաւերը:

Հին ժամանակներում կայսերաց, թագաւորաց, սուլթանաց, շահերի, խալիֆների, նախարարների, մէլիքների եւ իշխանների մօտ գտնուում էին զուարճարաններ, առակախօսներ, ծաղրածուններ, սրախօսներ, միմոսներ եւ մնջկատակներ, որոնց զուարճարանութեանց շնորհիւ ոչ միայն թեթեւանում էին նոցա օրուան կրած դատական ծանրութիւններն, այլ եւ երբեմն փոխուում էին նոցա պաշտօնական անդառնալի վճիռներն անգամ եւ կախադանից ու աքսորներից ազատուում էին յանցաւորներն:

Արցախի Վարանդայ գաւառի Աւետա-

րանոց զիւղի վերջին Մէլիք-Շահնազարի մօտ եւս եղած է Պօղոս անուն մի հայ զուարճաբան, որի անունը նոյն մէլիքն փոխած է «Պըլը-Պուղի» այսինքն է խենդ Պօղոս: Եատ եւ շատ ցաւալի է, որ Պուղին ունեցած չէ ժամանակակից մի գրող, որով ամբողջապէս լոյս կը տեսնէին նորա խօսածներն, կանմահանար զուարճաբանի յիշատակն եւ մի զրքոյկով կաւելանար մեր աղքատիկ գրականութիւնն: Աւանդ, Հայաստանում, ո՞ր գիտէ, քանի՞ քանի այսպիսի զուարճաբաններ, առակախօսներ, իմաստասէրներ եւ սրախօսներ եղած են, որոց քանաւոր, խրատական խօսածներն յօղս ցնդած եւ կորսուած են՝ առանց գրելու եւ առանց ի լոյս հանելու: Պարզապէս երեւում է, որ կարեւորութիւն տուած չեն մեր նախնիք այս ծիւղին: Ըստ իմ կարծեաց իմաստասէր եւ զուարճաբան Պըլը-Պուղու պարզ առակներն, զուարճաբանութիւններն եւ սրախօսութիւններն իւրաքանչիւր հայի համար աւելի արժէք պէտք է ունենան, քան թէ Եզրպոսին, Նասրատղին-Հօճային, Տանթէին, Բոհիլովին, Բալա-կիրելին եւ Լաֆօնդէին ասածներն: Որովհետեւ Պըլը-Պուղու ասած-

ներն քղիւած լինելով զուտ Հայկական կեանքից, Հայկական վճիտ խղճիւրից, աւելի յարմար են Հայկական սովորութեանց, Հայկական ընտանեկան կենաց, վարուց եւ քարուց: Այս պատճառաւ թէ եւ ուշ, (լաւ է անագան քան ոչ երջէք) սակայն մեծ նեղութիւն կրելով եւ ամիսներով դեզերելով, որչափ կարելի եղաւ ձեռք բերել, ի մի վայր հաւաքեցի ծերունիներից՝ իմաստասէր Պուղու խօսածները, որք մնացած էին աւանդութեամբ զիւղերի եւ Եռշու 90.—100 ամեայ ծերունեաց քերաններում: Եւ ահա ի լոյս հանելով եւ կրօնք աւագամ, նուիրում եմ մեր ամենասիրելի Հայ ազգին, յուսալով, որ ամեն ոք զրքիցս կը քաղէ իւր քաժին խրատական օգուտը:

Պըլը-Պուղին ծնուած է մօտաւորապէս 1734 թուականին Աւետարանոցում եւ վախճանած 1815-ին եւ թաղուած այն փոքրիկ քարայրում, որ գտնուում է Ծօշու աւանի եւ Արկաթալու շինի սահմանում (տես Արցախ եր. 132):

Սեպուհ պարոնք համարեցի յայտնել հետեւեալ ամենակարեւոր կէտերը:

Ա. Որովհետեւ նախկին տպագրութեան մէջ պահած էի Վարանդայի գաւառական բարբառը, այս երկրորդ տպագրութեանս մէջ չպահեցի նոյն բարբառը, այլ փոխեցի այժմեան գործածական աշխարհիկ բարբառի լեզուն հանրամատչելի անելու համար. վասն զի Տաճկաստանի, Պարսկաստանի եւ Բուլղարիայի Հայոց համար անհասկանալի էր նախկին տպագրութեան լեզուն:

Երկրորդ՝ որովհետեւ փոխուեցաւ առաջի տպագրութեան լեզուն, վասն որոյ աւելորդ համարուեցաւ երկրորդ տպագրութեանս մէջ գետեղել առաջնոյն ֆեռականութիւնը եւ բառաւանդը:

Երրորդ՝ որովհետեւ արդէն վաղուց սպառուած էր առաջին տպեալն եւ կային շատ պահանջողներ, ուստի հարկադրուեցայ մեր սիրելի ժողովրդեան յամախակի խնդրուածներեց կատարել երկրորդ տպագրութիւնս:

Չորրորդ՝ քաց թողի լսելեաց անախորժները ամէողջապէս, ի նկատի ունենալով որ կարող են կարդալ Պուղու առակները եւ անչափահաս տղայ եւ աղջիկ, պատանի եւ օրեորդ:

Հինգերորդ՝ Պուղին ոչ միայն եղած է մէլիքին զուարճաբանն, այլ եւ սուրհանդակն եւ հարագատ մէլիքների եւ քաջերի սերտ բարեկամն, ինչպէս երեւում է այդ Գաղտնիք Ղարաբաղի պատմութիւնից, եւ քազմիցս արդարադատ դատաւոր:

Մնամ՝ ազգիս Հայոց ամենախոնարհ ծառայ եւ միշտ աղօթարար:

Մակար Եպիս. Բաբխուսարեանց

— 12 —

1.

Պուղին տարան դպրոց կարգալ և գրել
ուսանելու: Վարժապետն կրկնում է այբ,
այբ, այբ. բայց չէ պատասխանում Պուղին:
Երբ հարցնում է վարժապետն չպատասխա-
նելու պատճառը, ասում է Պուղին. — Վար-
ժապետ, վախում եմ թէ այբը սովորեմ,
ասես՝ ըննն էլ սովորիր, զիմն էլ, գիրքս էլ
ամենը կարդա:

2.

Երախայ ժամանակ Պուղին տանում են
եկեղեցի, «Հրաժարիւքի» ժամանակ մայրն
ստիպում է որ երեսը դարձնէ դէպի արև-
մուտք, պատասխանում է Պուղին, — Ես խռով
չեմ Աստծուց, ով որ խռով է Աստծուց, նա
չուս տայ իւր երեսը:

3.

Պուղին տեսնելով, որ իւր ձեռքից առ-
նելով տանում են տարեկան բերքերը ցորեն,
գարի, ևն. կարկուտն, հեղեղն, մաշախն և

Թրթուրն, այնուհետև ցանում է գետնա-
խնձոր, գաղար, բողկ, բազուկ (ճակնդեղ)
սոխ և սխտոր: Երբ սկսում է տեղալ սաս-
տիկ կարկուտն, Պուղին իւր սրահի տակից
կոչում է դէպի ամպն.— Է՛յ, այլևս չես կա-
րող վստահել ինձ, բայց եթէ իջնելով այդ
տեղից և ատամներովդ մէկ մէկ գետնից
հանելով ցանածներս:

4.

Մի թերուս սափրիչ Պուղու գլուխը
ածիլելու ժամանակ շատ տեղերը կտրում է
և կտորած տեղերին փակցնում բամբակ.
այնպէս որ գլխի ամբողջ կէսը ծածկուում
է բամբակով: Պուղին ասում է սափրիչին.—
Ուստա՛, մին հայելին ինձ տաս՝ տեսնեմ:
Հայելուն նայելուց յետոյ՝ ամբողջ վարձը
դնում է հայելու վերայ և տալիս է սափրի-
չին, որն ասում է. Պուղի, գլխիդ կէսը դեռ
չեմ ածիլել:

— Շատ շնորհակալ եմ, ուստա, գլխիս
կէսում բամբակ ես ցանել, միւս կէսումն էլ
բուրդ պէտք է ցանել տաս:

5.

Մի մարդ, տեսնելով Պուղու արխալուզը
տեղ տեղ կարկատուած նոր կտորներով, աս-
տում է, Պուղի, արխալուզդ տեղ տեղ շնոր-
հաւոր լինի:

— Օրումէջ (օր ընդ մէջ) ապրիս, ապեր
(հայր). նշանակում է մի օր առողջ լինիս և
մի օր հիւանդ:

6.

Մի մարդ մեծ եռանդով պատմում է
անկապ և անհաւատալի պատմութիւններ
ժողովուած մարդոց. Պուղին, նկատելով որ
միամիտ ուղնդերներն ընդունում են պատ-
մած սուտերը իբրև ճշմարիտ իրականու-
թիւն, ծաղրական ձևով հարցնում է պատ-
մողին.— Ապեր, ձեր ազգի մէջ փինաչի (հնա-
կարկատ) եղած է:

— Հա՛, քեզ մատաղ, հայրս փինաչի էր:

— Դորա համար է, որ այսչափ կարկա-
տում ես այդ պատմութիւնը:

7.

Մի ուրիշ գիւղացի ևս նոյն բաղմու-

Թեան մէջ պարծենում էր ձեռքի և գլխի չարժումներով իբրև ամենալաւ հնձող, որ ինքն օրական հնձում է հարիւր խուրձ ցորեն հանգիստ կերպով: Պուզին հարցնում է և սրան.

— Եղբայր, իսկի եալանչի փահլուանու թիւն արած ես:

— Պապս արած է եալանչի փահլուանու թիւն եօթն տարի:

— Դորա համար ես խօսքով հեշտ հեշտ օրն 100 խուրձ հնձում:

8.

Մի երիտասարդ որսի կերթայ Պուզուն հետ այն պայմանաւ՝ որ եթէ երկուսից մին արջի ձեռքն ընկնելու լինի, միւս ընկերն ճգնի մահու չափ և ազատէ իւր ընկերը արջի ճանկերից: Անտառի խորքում յարձակում է մի արջ Պուզու վերայ և ճանկերով զարկում Պուզու գլխին, ուսերին և մէջքին: Իսկոյն ընկնում է գետնին Պուզին և կատարեալ մեռածի պէս ներս քաշում իւր շունչը: Արջն իւր ականջը մօտեցնում է ընկածի բերանին, որը և մեռած կարծելով

թողնում, հեռանում է: Այս ամեն եղելութիւնը տեսնող ընկերն, որ զինքը արջի ճանկերում թողած և աճապարանօք բարձրացած էր ծառի վերայ, իջնելով հարցնում է. Աստուած սիրես, ա Պուզ, արջն ականջիդ ինչ ասաց:

— Ասաց. «Այս քեզ խրատ. այսուհետև այլևս չընկերանաս այդպիսի շան տղայի հետ, որ ինքն փախչում է ծառ բարձրանում և քեզ թողում արջի ճանկերումն»:

9.

Մի անգամ Պուզին սաստիկ ծեծում է Մէլիքենց շունը, որի կլանչոցը ճանաչելով, Մէլիք-Շահնազարն ասում է Պուզուն. դու ո՞վ ես, որի՞ տղան ես, որ ծեծում ես իմ շունը: Պատասխանում է.

— Աղա, քո շունն մէլիքի շուն է, իրաւունք ունի ամեն դռնից անցնել. բայց, Մէլիք, ցաւս այն է, որ գիւղիս բոլոր շուներն քո շանից սովորելով կը դան և դռնիցս անցնելով, շնանոց կը շինեն տունս: Մէլիքն, հաւանելով Պուզու այս պատասխանը, այն օրից ընդունում է իւր մօտ իբրև խելօք մարդ:

10.

Մի անգամ Մէլիքն շրջելով Աւետարանոցում՝ զանազան հարցեր է տալիս Պուղին և պահանջում պատասխանները: Պուղին այս մարդն ինչի՞ այնքան աղքատ է:

— Մէլիք, խեղքի լոյսը բաժանելիս սա բաղնիքումն է եղել, մերկութեան պատճառաւ ամաչել է դուրս գալ և ստանալ իւր բաժինը:

11.

Ի՞նչ պատճառաւ այսպէս մոլորուած է այս մարդն:

— Աղայ, վերջացել է սորա վառօդն (դրամն չունի), որ գնէ օղի, խմէ, հարբի և ուրախութիւն անէ:

12.

Պուղին այս մարդն ինչի՞ մինչև լոյս աշխատում է և առաւօտից մինչև երեկոյ քնանում:

— Նորա համար, աղայ, որ ծախել է լոյսը և գնել մութը:

13.

Աբա, Պըլը-Պուղի, այս մարդն ինչի՞ այսպէս կուտարար, անամօթ և աներես է:

— Աղայ, երեք անգամ տաճկութիւն է ընդունել և երկու անգամ հրէութիւն...:

14.

Այդ մարդի տունն լաւ շինուած էր, ինչի՞ քանդել է և նորից է շինում:

— Մէլիք, վառօդն շատացել է. փողը ծախելու տեղ չէ դնում: Մարդ որ շատ հարստանայ աչքին ծուռ կերևին տան պատերն և սիւներն: Տունը քանդել է, նորից է շինում, որ թէ աչքին ուղիղ երևին պատերն և սիւներն և թէ պակասի դրամն:

15.

Այս մարդն ինչ պատճառաւ այնքան շուտ շուտ է խօսում, որ բնաւ չեն լսացուում խօսքերն:

— Անդղիոյ պողպատից շինուած են սորա ծնօաների եայերն (ոսկրներն) և թիւնդ (բարկ) քացախում մխուած:



16.

Պուղի, բա այս ինչից է, որ այսքան ծանր է խօսում:

— Մէլիքն ապրած կենայ, այս մարդի չանին եայը թուլացել է, պէտք է մխել չընկաստանի նապաստակի արեան մէջ:

17.

Այս մարդը երբեմն տեսնում եմ շատ ուրախ, երբեմն էլ շատ տխուր:

— Խմած ժամանակ ուրախ է լինում, չխմած ժամանակ տխուր: Բնին լաւ ժամերում ուրախութիւն է անում նոր պսակուած աղի նման, քեփը թողելուց յետոյ սուգ է պահում փեսան մեռած հարսի նման:

18.

Մի օր խուռն բազմութիւն հաւաքուած է լինում Ամարասի դաշտում: Վարելահող էր պահանջում ժողովուրդն Մէլիք-Շահնազարից: Մէլիքն չէր կամենում տալ, Իբրահիմ խանն աշխատում էր իրաւախօհ անել ժողովուրդը Մէլիքի հետ, որ ունեցաւ ան-

յաջող ելք: Պուղին տեսնելով որ խեղճ ժողովուրդն երկիւղից շփոթուելով չէ կարողանում ստանալ իւր պապենական արդար իրաւունք հողը և խանն էլ չկարողացաւ պաշտպանել հասարակութեան շահը, իսկոյն գնում է և բերում մի երկար ձող և կանգնում իւր տեղում: Խանն հարցնում է. — Պըլը-Պուղի ինչի համար բերած ես այդ երկար փայտը:

— Խան, բերած եմ որ սորանով չափեմ քո խելքը, Մէլիքին խելքը և ժողովրդեան խելքը:

— Ի՞նչ պատճառաւ:

— Այն պատճառաւ, որ ժողովրդեան տալու է հող, որով թէ ինքը կառավարէ իւր գերդաստանով և թէ կառավարէ Մէլիքը: Այն պատճառաւ որ ժողովուրդն համարեան թէ չունի լեզու, որով չէ կարողանում պաշտպանել այն անկապտելի իրաւունքը, զոր յաւիտենական հրովարտակաւ իրան տուած են Աստուած և բնութիւնն...:

Մէլիքն իսկոյն յանձնում է ժողովրդեան հողերը՝ յարգելով Պուղու գործնական փաստաբանութիւնը:

19.

Մէլիքի դատաստանին ներկայանում են երկու կանայք, որից մին պնդում է թէ այս հաւն իմն է. և միւսն հակառակը պնդելով՝ թէ իմն է. «ես եմ թուխս դրել: Բնաւ չկար վկայ, մէլիքն մնում է երկբայութեան մէջ ուստի և դժուարանում է վճիռ տալ:

— Աղա, այս հաւն ունի մի ճշմարտախօս վկայ, որ է իւր բունն... մէլիքի հետ ելնում են փողոց, բաց թողում հաւը, որ ուղիղ գնում է իւր բունն: Տեսնում ես, աղայ, ինչպէ՞ս անտուտ վկայ է հաւի բունն:

20.

Պուզին հարցնում է ձուածախին.

— Ձուիդ քանինն ես տալիս 15 կոպէկի:

— 80-ը կը տամ:

— Թանկ է, եթէ հարիւրը կը տաս, կաննեմ:

— Մէլիքն 20,000 թուման փող ունի, ինչ կը լինի որ ութսունը առնես 15 կոպէկով: Պուզին չպատասխանեց, այլ անխօս հեռանում է. փոքր ինչ յետոյ սահում են ձուածախի ոտքերն, ջարդուում են բոլոր

ձուերն և սկսում է աղիողորմ լալ ձուածախն: — Այ տղայ, քանի՞ ձու կար ամանումդ, ասա, որ փողերը աամ քեզ 80-15 կոպէկով:

— Ձգիտեմ, քեզ մատաղ Պուզի:

— Դու, որ չգիտես քո ձեռքով համբրած ձուի հաշիւը, շան տղայ, որ տեղից գիտես որ մէլիքն քսան հազար թուման ունի:

21.

Պուզի առել ես պսակիդ հրամանը:

— Մէլիք, առաջ պորտ պորտ արին և ասացին. «Ձհաս է»: Զորիս կաշառք առին, յետոյ ասացին.

Մարալ ջորի,

Ոսկի մատանի

Ակնը եամանի,

Հեռու ազգականի

Հրաման տուր, տանի: Եօթն պորտ անց է, հաս է, հրամանը գրեցէք:

— Այ տղայ, դու խենդ էիր, որ իմ թանկագին ջորին տարար մի հրամանաթղթի տուիր:

— Աղան ապրած կենայ, ջորին կը գայ:
 Պուզին պսակուելուց յետոյ գնում է
 Ամարաս և այս խօսքերը տակելով բերում և
 մէլիքին յանձնում ջորին, «Մարալ ջորի,
 Գալուստդ բարի,
 Հարսանիքս արի,
 Անցաւ մին տարի»:

22.

Մի մարդ գիւղից դուրս հարցնում է.
 Պուզի. այս դառնը տուողն ասաց. «Եթէ
 թող տաս այս գառնը, դու կը մեռնես, եթէ
 տանես տուն, կինդ կը մեռնի. այժմ ինչ
 անեմ, մնացել եմ երկու սրի մէջ»:

— Ոչ թող կը տաս, որ դու մեռնես, ոչ
 էլ տուն կը տանես, որ կինդ մեռնի: Մի
 լաւ կրակ վառիր, մորթենք, լաւ խորոված
 անենք, ուտենք. դու էլ ողջ կը մնաս, կնիկդ էլ»:

23.

Իբրահիմ-խանին այցելութեան է գնում
 Մէլիք-Շահնազարն, որի հետ գնում է և
 Պուզին: Վերջինս, տեսնելով որ անիրաւ
 վճիռ է արձակում խանն, խփոյն բերում է

մի ձուլիչ, որը տեսնելով հարցնում է խանն.
 Պուզի, ինչո՞ւ բերած ես այս մարդը:

— Խան, խելքդ հնացել է, այս վարպետը
 բերել եմ որ նորից աւելի լաւ ձուլէ:

Խանն, զգալով իւր սխալը, Պուզուն է
 յանձնում հետեւեալ դատաստանները և ինքն
 ականատես լինում մէլիքի հետ:

24.

Բէկ կարծուած մի պարսիկ յափշտա-
 կել էր խելճ հայից մի ձի. որը ճանաչելով
 հայն թախանձում էր որ Պուզին իրան յանձ-
 նէր իւր ձին: Պուզին ասում է.

— Այ բէկ, այս ձին ք՞նն է:

— Այո, իմն է:

— Ուրե՞քն վեր առ թամբը և մի լաւ
 քորիր:

Երբ մօտենում է բէկն, ձին ցոյց է տա-
 լիս դժկամակութեան յայտնի չարժուամբեր:
 Ապա ասում է.

— Բէկ, դու մի փոքր հեռացիր, ա հայ,
 դու գնա:

Հայն մօտեցածին պէս ք՞նում է ձին
 և անում ուրախութեան և տիրասիրութեան
 ցոյցեր: Ձին տալիս են հային:

25.

Ներկայանում են մի հայ գիւղացի և մի մահմետական հովիւ: Վերջինս, տեսնելով հայի ահագին գամփռ շունը, աշխատում է մի հնարքով ձեռք ձգել, քանզի ոչխարի համար խիստ յարմար էր, վասն որոյ խնդրում է Պուղոսց տալ իրան շունը: Պուղին հարցնում է.

— Հովիւ, շանդ անունը տալով կանչիր և սո, գնա:

Հովիւն կանչում է. Ալաբաջ, Ասլան, Ղափլան. բայց շունն բնաւ ուշադրութիւն չի դարձնում. մօտենում է որ բռնէ, շունն հաշում է վերան և ուզում է խածնել:

— Ա հայ, դու կանչիր շունդ և սո գնա:
— Բողդար Բողդար, եկ գնանք: Իսկոյն գնում է շունն տիրոջ ետևից:

26.

Մի յայտնի գող յափշտակել էր թուրք մեագործի մօտից արծաթի դրամները, վկայ բնաւ չկար. Պուղին եռացեալ ջրի մէջ է ձգել տալիս դրամները, երբ երևում է իւրն ջրի երեսին, խանն ուրախութեամբ վկայում է որ

դրամներն մօագործինն են. որովհետեւ մօագործներն իւզոտ ձեռքերով են ստանում դրամները:

27.

Երկու հայ և երկու թուրք առած մի կով և եզն ներկայանում են դատարանին: Տասն թուրք անձինք երգմամբ վկայում էին որ անասուններն այս թուրքինն է:

— Ես հաւատում եմ ձեր երգման առանց կասկածի. ասում է Պուղին, ամենակարևոր է և եզին ու կովին վկայութիւնն ևս: Ապա հրամայում է տանել երկու անասունները նախ թուրքի գիւղի մօտ արծակել և յետոյ հայի գիւղի մօտ: Տանողներն վկայեցին որ անասուններն բնաւ չմօտն թուրքի գիւղն, այլ ուղիղ գնացին և բառաչելով կանգնեցին հայի դրան: Տալիս են հային:

28.

Խանն կոչում է զարմացած. Պուղի, դու որ այսչափ խելօք ես, ինչ պատճառով խննդ են անուանել քեզ մարդիկ:

— Միայն նորա համար, որ ես խննդ չանուանեմ զիրենք:

29.

Մէլիքին հրամանաւ Պուզին մի կարեւոր գործով գնում է Ազգամ խանի ձմերանոցն. գիշերն գողանում են Պուզու ձին, որ մէլիքինն էր: Անմիջապէս գանգատում է խանին, որն ասում է.

— Պուզի, ինչի՞ արթուն չմնացիր, որ ձիդ պահէիր:

— Խան, եթէ ես իմանայի որ դու քնացած ես, ես անպատճառ արթուն կը մնայի: Խանն իսկոյն նուիրում է Պուզուն մի լաւ ձի:

30.

Շօշու գիւղի միջով անցնելու ժամանակ մէլիքն սաստիկ բարկանում է երկու մարդոց վերայ, որ ոտքի չկանգնեցին:

— Մէլիք, ասում է Պուզին, այս մարդիկն հարբած են, այս բոպէիս Աստուած չեն պատուում սոքա, քեզ ինչպէս պատուեն, Աստծուց չեն վախում, քեզանից ինչպէս կը վախեն: Դէ ծանր կաց, դուխդ կախիր և անցիր գնահ, չտեսնալ ձեռքներով:

31.

Պուզին մի քանի օրուայ բացակայութիւնից յետոյ երբ դառնում է տուն, տեսնում է որ կինն մարթել է տուել հաւերը, պատրաստել տուել լաւ կերակուրներ, անկողնի մէջ հիւանդ ձեացել և հինգ կոյս աղջիկներ տրորում են նորա ոտքերը, Պուզին հարցնում է— Ա՛յ կին, այս ի՞նչ պատրաստութիւն է:

— Ա մարդ, տարին մի անգամ մի օր խենդութիւն է գալիս իմ վերայ և հիւանդանում եմ, եթէ այսպէս չանեմ, չեմ առողջանալ:

Պուզին, յայտնելով անկեղծ ցաւակցութիւն, կնոջ հետ վարուում է խիստ քաղցրութեամբ. բայց հետեւեալ շարժում երկու անգամ ձեծում է իւր կինը խենդ ձեռնալով: Կինն հարցնում է զայրոցած.

— Ա մարդ, ի՞նչ ես անում, ի՞նչ յանցանքիս համար ես զիս ձեծում:

— Ա՛յ կին, իմ ջանս քեզ մատաղ, շաբաթն երկու անգամ խենդութիւն է գալիս իմ վերայ, մինչև որ քեզ լաւ չեմ ձեծում, չէ անցնում խենդութիւնս:

— Ա մարդ, ասում է կինն, քո խենդուծիւնն շատ թիւնդ է իմ խենդուծիւնից. ճեմելով կըսպանես դու ինձ. եկ ես իմ խենդուծիւնը թողեմ, դու էլ քոնը թող:—
Համաձայնում են:

32.

Մէլիքն ապրած կենայ, ասում է մի այրի կին, 6 տարի առաջ 100 ձու առել եմ Խոջա-Մարտին, 100 ձուն 6 տարում 600 հաւ կլինէր. 600 հաւն էլ 5-5 կոպէկով անում է 30 րուբլի: Խոջորեմ առնէք և ինձ տաք դրամները:

— Խոջա-Մարտի, առել էք 100 ձուն:

— Այո, Մէլիք, առել եմ:

— Դէ ուրեմն գնս և վճարիր փողերը: Ապա խօսքը Պուզուն դարձնելով ասում է. այդ ինչ կշիռ է:

— Մէլիք, այս կշիռը բերել եմ որ կշռեմ ձեր խելքը, պառաւին խելքը և խօջին խելքը: Երեքն էլ շատ թեթեւ են:

— Պատճառ, ա՛ խենդ:

— Քո խելքն թեթեւ է այն պատճառաւ, որ չես հարցնում թէ, ա՛ պառաւ, եփած ձու

ես տուել թէ անեփ, խօջին խելքն թեթեւ է որ եփած ձուն կերել է, ամաչում է ասել թէ եփած է եղել ձուերն. պառաւին խելքն թեթեւ է և խիղճն քնացած, որ առանց ամաչելու 30 րուբլի է պահանջում: 100 եփած ձուին գինն շատ շատ 20 կոպէկ է. բայց դու, Խոջա-Մարտի, մին մանէթ տնէր այդ պառաւին որ գնայ: Որով վերջանում է դատն:

33.

— Պըլը-Պուզի, հայրս մեռել է, սգաւոր եմ, եթէ վաղն աչքիս չերևիս, 3 չուաք կորեկ կը տամ քեզ:

— Մէլիքն ապրած կենայ, չեմ երևիլ:

Պատարագից յետոյ, երբ դաւառի բոլոր քահանաներն կատարում էին ննջեցեալի կարգը եկեղեցու դաւթում, և ահա Պուզին, Մէլիքի հինգ բարակ շների (թաղի շուն) վերայ ձգած մի մի գոյգ չուալ, փորերը տափակ չուանով ամրապնդած, ջորու կարաւանի պէս իրարից կապած և վերջի բարակի պարանոցից մի փոքր զանգակ կախած՝ երևեցաւ: Ծիծաղում են ամեն քահանաներն

և ժողովուրդն և խանդարուում է երգեցողութիւնն: Մէլիքն երկարում է դէպի Պուղին և ասում.

— Ադա, ես քեզ չառայի, որ աչքիս չերևիս:

— Մէլիք, հայրս, մայրս քեզ մատաղ, երախաներս սոված կոտորուում են. եկել եմ որ կորեկը տանեմ: Լոյս դառնայ հօրդ հոգին:

34.

Մի անգամ մէլիքն խմում է պատուական գինի, Պուղին ասում է.

— Ադա, թէ որ մի բաժակ էլ ինձ տաս, հայրդ կը գնայ Արքայութիւն: Առաջին բաժակը խմելուց վերջն ասում է. — Հայրդ ճանապարհ ընկաւ: Առնում է երկրորդ բաժակը և խմում:

— Պուղի, հասաւ հայրս թէ ոչ:

— Ադա, բոլորովին քիչ է մնացել որ հասնի: Մի բաժակ ևս խմելով ասում է. Ադա, հայրդ կանգնել է Արքայութեան և Դժոխքի մէջ տեղը: Վերջին բաժակը խմելուց յետոյ գոչում է. — Ըհը:

— Ադա, հայրս Արքայութիւն գնաց թէ գժօխք:

— Մէլիք, մին թրնփոց եկն. չգիտեմ Արքայութիւն գնաց թէ Դժօխք:

35.

Ոչսի գնալիս ճանապարհին պատահում է մի նապաստակ, որ շուարած բարակների վաղելուց, անցնում է Պուղու մօտից: Սա կորեկ հացի կէսը այնպէս ուժգին զարկում է, որ խօլոյն ընկնում է նապաստակն, կոչում է. — Մէլիք, սիւ է ասում օգտակար չէ կորեկ հացն. թէ զէնք է և թէ հաց:

36.

Անտառի ստորտում վայրենի վարազ խօզն յարձակում է Պուղու վերայ, որ կրակում է հրացանը, բայց շեղում է գնդակն և յարձակում է վարազն: Յաջողում է Պուղուն նստել վարազի վերայ, որ սաստիկ շփոթուած վազում է սրընթաց ուղիղ ճանապարհով և չէ կարողանում շարժել գլուխը աջ կամ ձախ: Կանչում է մէլիքն:

— Ադա, վախես ոչ, վախես ոչ:

—Մէլիք, գնում եմ Գանձակ, եթէ նամակ ունիս, տո՛ւր ինձ, տանեմ. եթէ այս ընթացքով գնալու լինիմ, երեկոյան Գանձակում կը լինիմ:

Շատ վաղելուց դադարում է վարազն, Պուղին երկասյրով խառնում է թռքերը և վար իջնելով ասում.—Մէլիք, այս շատ լաւ դառաւ թէ ձիով ճանապարհորդեցի և թէ որս արի:

37.

Մի ուրիշ անգամ էլ որս անելին Պուղին վերաւորում է մի մատակ արջից. բժիշկներն պատուիրում են լաւ կերակրել և լաւ ըմպելիքներ խմացնել: Երեք օրից յետոյ Մէլիքն այցելում է և հարցնում.

—Ադա Պուղի, ինչպէս ես այժմ:

—Մէլիք, ողորմի այն արջին հօրն, եւրանի՛ թէ շաբաթն մի անգամ ինձ այսպէս վերաւորէր, գուէլ ամեն օր ինձ համար այսպէս լաւ կերակուր և կախեթի ու Շանպանեայի գլինիներ ուղարկէիր:

38.

Մէլիքն իւր բազէն (թաւար զուշ) արձակում էր կաքաւների, փասեանների և լորամարգինների ետեից, բայց բազէն, այդ թռչուններից բռնելու տեղ, ուղիղ գնում էր Մէլիքենց հաւերը բռնում և խեղդելով լափում: Ասում է Պուղին. Լաւ աշխատանքի վերայ ենք, Մէլիք. «Լաւ որս է անում մեր թաւար զուշը, աչքդ լոյս, Մէլիք»:

39.

Մի անգամ մատուռակ է լինում Պուղին և հարցնում է սեղանակիցներին.

—Գինին ինչպէս մատակարարեմ ես ձեզ, արդարու՞թեանմը թէ Աստուծոյ պէս:

—Աստուծոյ նման, Աստուծոյ նման, ասում են շատերն:

Պուղին ոմանց բաժակն մի կաթ, ոմանց երկու կաթ է կաթացնում, ոմանց կէս և ոմանց ամբողջ լցնում է բաժակները և տալիս:

—Ադա, Պուղի, էլի խենդութիւնդ բռնեց, ի՞նչ ես անում:

—Մէլիքն ապրած կենայ, հանդիսա՛

կաններն ասացին՝ Աստուծոյ նման. Աստուած
ամեն մարդոյ մին չափով չէ տալին, այլ
ոմանց տալիս է չափազանց շատ, ոմանց մի-
շակ, ոմանց էլ բոլորովին քիչ: Ուրեմն ար-
դարութեամբ լցնեմ, որ հաւասար լինի:

40.

Սատկում է Մէլիքի որսկան բարակ
չներից մին. Մէլիքն չափազանց փսսոտում
է և տիրում: Պուզին հետևեալ առաւօտեան
սև շորեր հագած երևում է և ասում.— Մէ-
լիք, գլուխդ սղջ լինի, քեզ մատաղ:

—Այս ինչ սև շորեր ես հագել, ա պլը-
կատար (խենդ գլուխ):

—Սատկած շան սուգը պահելու համար,
ասել եմ ժողովրդեան որ ամենքն էլ սև
հագնեն և սուգ պահեն: Թագաւորի նման
հայրդ մեռաւ, շան համար ես տրտմում:

41.

Պուզու այս արարմանց վեցայ չափա-
զանց բարկանում է Մէլիքն և հարցնում
Պուզուն.

—Ա շան տղայ, քեզ ինչ պատիժ տամ,
որ խելօքանաս:

—Սև բողկը լաւ եփել տուր և ինձ
ուտեցնել տուր. սորանից աւելի պատիժ
չի՛ իր. կը խելօքանամ:

Բերում են եփած բողկը, Մէլիքն, ա-
ռած իւր գաւազանը, կանգնում է Պուզու
մօտ և ստիպելով ասում.—Կեր, ա լալուտ,
ինչ համ ունի:

—Մէլիք, քեզ մատաղ սկի եփած արջի
թրեք չէս կերալ:

42.

Աղա, մին քիչ խոնարհութիւն անես
ինչ կը լինի:

—Աղա, սատանան իմանում է որ խո-
նարհութիւնն տուր է գալիս Աստուծոյ, էջ է
լինում, կանգնում մի ուսումնարանի առաջ,
դուրս են գալիս աշակերտներն և հինգ հինգ,
վեց վեց նստում էջի վերայ: Սատանան՝
անկարող լինելով տոկալ տղայոց ծանրու-
թեան, քանիցս չորում է և վեր կենում:
Վերջապէս տեսնում է որ խիստ դժուարու-
թեան մէջ է, ասում է. «Շատ խոնարհու-

Թիւնն էլ մի բան չէ»։ ցցում է պոչը, զլում զուզուցը, վազելով նստում է խոր շրում և կոտորում աշակերտները խեղդելով։

43.

Մի անգամ հիւանդանում է Մէլիքն և հրամայում Պուղուն, որ զուարճացնէ զինքը։

— Մէլիք, Մովսէս մարգարէն շատ խընդրում է Աստուածանից, որ երևք օր աստուածութիւն տայ իրան։ Աստուած ասում է. «Աստուածութիւնն դժուար է, մարդի գործ չէ»։ Իարձեալ շատ որ խնդրում է, Աստուած ասում է. «Մին ժամ աստուածութիւն տուի քեզ»։ Մին ժամում Մովսէս մարգարէն թափում հեղեղ, կարկուտ, կայծակ, մահտարածամ և կործանում Նփիպոսսը։ Աստուած յետ է առնում աստուածութիւնը և ասում. «Մովսէս, Մովսէս, դու մին ժամում որ կործանեցիր ամբողջ Նփիպոսսը, եթէ երևք օր աստուածութիւն տայի, էլ աշխարհում ոչ ոք չէր մնար»։

44.

Մին մարդ շատ ազաչում է Քրիստոսին՝ ասելով. «Տէր, շատ խնդրում եմ որ ինձ տաս քարոզելու շնորհք և իրաւունք»։ Տէրն տալիս է շնորհքը և իրաւունքը, պատուիրելով որ ամենեկին չհամարձակուի խառնուիլ իրան չվերաբերեալ գործերի մէջ։ Մարդն գնում է քարոզելու, բայց դեռ չքարոզած, տեսնում է ճանապարհի վերայ մի ահագին քար. ասում է ինքն իրան. «Քրիստոս իրաւունք և իշխանութիւն տուած է ինձ. այս քարին մին շունչ փչեմ, տեսնամ, ինչ կը դառնայ»։ Շունչ փչածին պէս քարն դառնում է մի ահագին, սարսափելի գազան և ուզում է կլանել իւր շունչ փչողը։ Մարդն վնայ, վայ անելով ասում է. «Ծառայ եմ քեզ, Քրիստոս, հասիր, ինձ ազատիր»։ Քրիստոս հասնում է իսկոյն և խաչակնքում, կրկին քար է դառնում գազան, և ասում է. — Այ մարդ, ես քեզ ուղարկեցի որ ժողովուրդին քարոզ տաս, թէ ինչ տեղ մեծ քար տեսնաս, գազան շինես։ Դու որ չես կարողանում քո ստեղծած ջանավարին

առաջ կանգնես, վայ վայ ես անում, Ժողովուրդն ինչպէս կանգնելու է: Դէ զնա քո գործին, ես քեզ տուի քարոզելու շնորհք և ոչ թէ աստուածութեան շնորհք:

45.

Մին մարդ էլ 10 տարի շարունակ աղօթում է, աղաչում, պաղատում, ասում. Աստուած, քեզանից հազար մանէթ եմ ուզում ես. տափի տակից տուր, ուզում ես լակլակի բնից տուր, որ տեղից որ ուզում ես, վերջապէս տուր: Տասն տարին անցնելուց յետոյ մարդն հիւանդանում է, մի թունդ լուծողական խմում: Երբ շատ լուծում է, մանում է թոխմաշարին (թթենիներ, որի տերեւերը կոտորում են և տալիս մետաքսի որդին) մէջ, կախում մին թթեւուց. զոռում է լուծողականն, արմատախիլ պուք է դալիս թթեւին, ընկնում է մարդն ապակտնութեան վերայ, բայց տեսնում է որ փողերն գլորուած թափուում են: Չես ասիլ, հնուց ճիշտ հազար մանէթ փող մի ամանով թաղուած ծառին տակ: Մարդն

չնչասպառ ասում է ընկած տեղից. «Աստուած, շնորհակալ եմ, ուզածս տուիր, բայց այս հնալ ձգեցիր, յետոյ տուիր»:

46.

Մին ճգնաւոր իւր պահապան հրեշտակից խնդրում է ցոյց տալ աշխարհիս ամենամեղաւոր և ամենասրղար հայ մարդը:

Մի առաւօտ մի գիւղի մօտ ցոյց տալով ասում է հրեշտակն, «Տեսնում ես այս մարդը, սա է ամենամեղաւորն, երեկոյին էլ նոյն հրեշտակն նոյն ճգնաւորին ցոյց է տալիս միևնոյն մարդը՝ ասելով. Սա է ամենասրղար մարդն»:

Չարմանում, ափշում է ճգնաւորն և ինքն իրան ասում. «Երեսուն տարի է որ ես ճգնել եմ անտանելի ճգնութեամբ և չորակերութեամբ. այս ինչպէս բան է որ միևնոյն աւուր մէջ թէ ամենամեղաւորն էր և թէ եղաւ ամենասրղարն մի և նոյն մարդն»: Շատ հետաքրքրուելով զնում է, հիւր լինում այն մարդին և առանձին հարցնում. «Ի՞նչ այսօր ինչ ես արել, պատմիր ինձ»:— «Առաւօտեան փոքր որդուս հետ գնացինք անդն գործով,

որդիս հարցրուց ինձ. «Հայր, այս ի՞նչ շատ
աւագ է»: Պատասխանեցի. — «Որդի, իմ մեղ-
քերն այս աւագից աւելի շատ են»: Որդիս
սկսաւ լալ, ես էլ լացի, վերջապէս երկուքս
էլ չափազանց լացինք. այս է բոլոր եղածն»:
Ինքն իրան ասում է ճգնաւորն, «Այն աս-
տիճան զօրաւոր է ճշմարիտ զղջումն, որ
բոպէապէս արգարացնում է ամենամեղա-
ւորը¹⁾»:

47.

Պուղին տեսնելով որ մի բարիկենդանի
չատ ուրախութիւններ են անում նուագա-
ծուաց խմբով, ինքն ևս հինգշաբթի օրում
հրաւիրում է նոյն խումբը իւր տունն և ա-
նում ուրախութիւն: Հաւաքուում են ժո-
ղովուրդն, գալիս է և Մէլիքն և հարցնում.
— Ադա Պուղի, էս ի՞նչ հարսանիք է, դու ոչ
հասած տղայ ունես և ոչ հասած աղջիկ:

— Մէլիք, բարիկենդան է, ամեն տան

1) Չկարողացանք իմանալ թէ ի՞նչ նպատակաւ
ասած է մեր իմաստասէրն այս հատուածը. արդեօք
մէլիքը զղջման հրաւիրելու:

զուռնա են ածում, պար գալիս, եօթն շա-
բաթ պաս պէտք է պահենք: Մէլիք, բարով,
հաղար բարի ես եկել, տունս տեղս քեզ
փնջընջ, դէ բերել տուր մին կարաս գինի,
400 հատ լաւաշ հաց, 2 արջառ, 4 ոչխար,
5 լաք բրինձ, մին լաւ բարեկենդան անենք,
թէ հարսանիք կը լինի և թէ պսակ: Մէլիքն
Պուղու սիրոյն համար կատարում է ամենը:

48.

Պուղին, որպէս թէ Մէլիքի կողմից
հրաւիրում է ճաշի Վարանդայ գաւառի ամեն
քահանաները, Հետեեալ օրն, անառակի
կիւրակէ կէսօրին ձօտ՝ երբ քահանայը լցուում
են Մէլիքարան, հարցնում է գործից անտե-
ղեակ Մէլիքն:

— Պուղի, այս տէրտէրներն ի՞նչի համար
են եկել:

— Մէլիքն ապրած կենայ, այսօր Անա-
ռակ որդու տունն չէ:

— Այո, Անառակի տունն է:

— Եկել են տօնդ շնորհաւորելու:

49.

Սաստիկ բարկանում է Մէլիքն իւր զուարճաբանի վերայ, երկու օր ոչ հաց կը տայ և ոչ կերակուր, որ խրատուի: Երկու ամսից յետոյ Պուղին մեծ պատրաստութիւն է տեսնում Մէլիքի այգու մի անկիւնումն: Մէլիքը հրաւիրում է ճաշի ասելով. — Այսօր լաւ քեփ անելու ենք ձեր այգումն, ամեն ինչ պատրաստ է, երկար ուտիս (յինանց օրեր), դառներն մօրթուած, չորս կողմ կանաչած, ծլած և ծաղկած, թուչուններն ծըլվալիս, վլան քամած, քեփ եմ ասում հա՛ն: Կէսօրին դալիս է Մէլիքն և ուրիշ հիւր, ածում են սազանդէրն, եռանդով պարում է Պուղին: Ասում է Մէլիքն. — Պուղի, սեղանը պատրաստել տուր, կէսօրն անց է:

— Այս րոպէիս, աղա:

— Պուղի, կէսօրից էլ անց է 2 ժամ, դէ, շուտ արա:

— Մէլիքն ապրած կենայ, համբերութիւնն կեանք է, մի փոքր էլ համբերեցէք:

— Ա, պլըկատար, կէսօրից էլ 4 ժամ անց է, ի՛նչ եղաւ:

— Աղա, բա երկու օր ի՛նչպէս սոված, ծարաւ մնացի ես և համբերեցի:

Հրաւիրեալներն առանց ճաշի հեռացան:

50.

Գանձակ է գնում Մէլիք-Շահնազարն իւր զուարճաբանի հետ, ուր հայերն լսելով Պուղու մասին, հաւաքուում են, հարցեր տալիս և ուզում պատասխան:

— Պուղի, ինչից է որ շուտ շուտ թանկանում է միսն մեր քաղաքում: Պատասխանում է Պուղին. — Սա պահեսցէ զմեզ յամենայն փորձութենէ. — աջ ձեռնի ընթամատը եւ ցուցամատը իրար քսելով:

— Խնդրում ենք, որ պարզէք այդ խօսքը:

— Այ օրհնուած մարդիկ, ամեն բան պարզ ասում է, որ պարզեմ: Մսագործներն խօսք մին են անում, խանին կաշատամ և թանկացնում միսը:

... անիս սխրեմի ցո արեմ ազ արմ —

51.

— Մեր խանն բռնել է տալիս գողերը, պահում մի քանի օր և արձակում անպատիժ. ինչ է պատճառն:

— Սա պահեսցէ զմեզ յամենայն փորձութենէ:

52.

— Խանն մի քանի մարդասպան թուրք բէկեր բանտարկել էր տուել կախելու, բայց երեք ամսից յետոյ արձակեց պատուով անպատիժ:

— Սա պահեսցէ զմեզ յամենայն փորձութենէ:

53.

— Մեծ դժուարութեամբ բռնեցին և բանտարկեցին չորս մարդասպան գողեր, որք սպանել էին չորս անմեղ հայ և թուրք և քանդել էին շատ տուներ: Մունետիկն երեք օր միմեանց վերայ յայտարարեց թէ ուրբաթ օրն կէսօրին պիտի կախուին մեծ կա-

ղամախի (չինարի) ծառից այս ինչ, այս ինչ անուն մարդասպան աւազակներն — Մհամատ, Օսման, Իբրահիմ և Մուստաֆան. — ով որ ցանկանում է, դայ թամաշի: Որոշեալ ուրբաթ օրում խանից պարզեատրուելով արձակուում են ազատ...:

— Սա պահեսցէ զմեզ յամենայն փորձութենէ:

54.

Պուլի, քեզ մատաղ, մենք աղքատ մարդիկ ենք, մենք գիտենք, որ արեգակի պէս անմեղ և արդար ենք և մերն է իրաւունքն: Սակայն հարուստներն՝ միշտ արդարանալով դատարանում՝ մաքուր ձէթի նման դուրս են դալիս ջրի երեսն՝ թէ և յանցաւոր: Այս ինչիցն է:

— Սովաւ արդարացուք յամենայն յանցանաց:

— Մենք անգրագէտ մարդիկ ենք, պարզ ասա, որ իմանանք:

— Ինչ տեղ խօսում է դրամն, իւրն է իրաւունքն. ինչ տեղ ձայն է հանում օսկին, կատարում են նորա հրամանը. վճիռ տուողն օսկին է և ոչ թէ դատաւորն:

55.

Պուղի, հարուստների աղջիկները գեռ-
փոքր՝ պտակում են, տանում. իսկ մեր հրեշ-
տակի նման գեղեցիկ, համեստ, սնարար,
աչխատասէր աղջիկներն մեծանում են և
մնում մեր տան մէջ: Ի՞նչ է պատճառն:

— Պատճառն էլի փողն է փողն. հա-
րուստների աղջիկներն թէ և տգեղ լինին,
թէ և պակասաւոր էլ լինին. այսու ամենայ-
նիւ տանում են փողի համար, միայն փողի
համար....

56.

Մէլիքն դառնում է Գանձակից, դիտ-
մամբ թողում է Պուղին յորդած թարթառ
գետի ձախ ափին և ինքն իւր մարդիկնե-
րով անցնում գետիցն ձիերով: Երբ հաս-
նում է Աւետարանոց, զարմացմամբ կոչում
է. — Պուղի, այ տղայ, դու ինչպէս անցար
գետովն, երբ եկիր և հասար տուն, այ
սատանայ:

— Աղա, դու ինձ անտէր և անօգնա-
կան թողիր. Աստուած տիրութիւն արաւ և
ինձ օգնելով քեզանից էլ առաջ բերաւ:

57.

Մէլիքն, խիստ ձանձրացած իւր խենդ-
եղբոր արարմունքից, որ միշտ անպատուում
էր հարևանները, յաճախակի ասում էր
բարձր ձայնով.

— Այս փչացածն չմեռաւ որ պրծնէինք.
մի կատաղած օձ չկժեց (խածնել), որ ինքն
էլ հանգստանայ, մենք էլ, հարևաններն էլ,
որոց հանգստութիւնը միշտ խանդարում է:

Պուղին, որ ամեն օր լսում է Մէլիքի
տրտունջները, առնում է նորա խենդ եղ-
բայրը և տանում Ամարաս ուխտի: Ուխտ
անելուց յետոյ ասում է խենդին. «Այս տեղ
մեծ մեծ օձեր շատ կան, թովչութիւն տամ
քեզ, եթէ խածնեն էլ, չվխասուես»: Որպէս
թէ տալիս է թովչութիւն. խենդն վազում է,
որ բռնէ մի մեծ օձ, որից թունաւորուելով
մեռնում է իսկոյն:

— Ա շան տղայ, բարկացած գոչում է
Պուղու վերայ Մէլիքն, դու օֆսունչի (թովիչ)
էիր, որ եղբայրս տարար, խաբեցիր, սպա-
նեցիր:

— Աղա, ամեն օր անիծելով ասում էիր.
մին կատաղած օձ էլ չեղաւ, որ խածնէր,

սպանէր, ինքն էլ հանդատանար, մենք էլ, հարևաններն էլ: Ռէ մեռաւ, պրծաւ. շնորհակալ լինելու տեղ, էլ ի՞նչ ես նեղանում:

58.

Նորընծայ քահանան Մէլիքի եղբոր եկեղեցու կարգը կատարելու ժամանակ շատ կըղկըզում և տեղ տեղ էլ դէմ ընկնելով կարգում է մաշտոցը, Պուղին ասում է լուսարարին.

—Մի քիչ բամբակ թաթախիր կանթեղի ձէթի մէջ, բեր քսիր նորընծայի աչքերը, որ լուսաւորուի և լաւ կարդայ:

59.

Միւսնոյն նորընծան իւղաբերից աւետարանը կարդալու ժամանակ քանիցս կըրկնում է՝ «ասէ ցնա», մի պառաւ իմանալու փափագով հարցնում է.—Ի՞նչ է ասում, քեզ մատաղ, ա տէր, ի՞նչ է ասում:

—Ձենդ կտրիր պառաւ, ասում է Պուղին, տէրտէրն քառասունքից նոր դուրս եկած է, ինքն գիտէ թէ ինչ է ասում Քրիստոս, որ քեզ էլ հասկացնի:

60.

Մի ուրիշ քահանայ ևս խիստ դժուարաւ էր կարգում աւետարանը և գիրքը, շուտ շուտ բարկանում էր մոմակալ երեսայոց վերայ, ասելով, «Այսպէս բռնի, այնպէս բռնի»: Պուղին ասում է.

—Տէր հայր, զուր տեղ մի բարկանար այդ երախայոց վերայ, եթէ Մէլիքի դէզերը ևս վառեն առաջիդ, դարձեալ այդպէս պիտի կարդաս:

61.

Մի խնջոյքում հրաւիրելոց մին, որ գինին շատ խմած ժամանակ մեծ քիթն կարմրում էր, մօտենում է, առանձին ասում Պուղուն, —խնդրեմ՝ սա այս 15 կոպեկը, քիթիս վերայ չխօսես, որ հանդիստ գինի խմեմ.—Լաւ, չեմ խօսիր, միամիտ կաց: Պուղին երբ տեսնում է որ լաւ խմելուց չափազանց կարմրած է քիթն, հանում 15 կոպեկը և հանդիսականաց առաջ նետում դէպի տուղն ասելով.

—Մարտի, սա քո կաշառ տուած 15

կոպեկը. ըթիգ հալն հալ չէ, այլ ևս չեմ
կարող համբերել:

62.

Պուզու տան մէջ գինի էին խմում բա-
ւական մարգիկ, որք կոչում են միաբերան.

—Այս շան տղու տղայ Պուզու գինին
ինչ լաւ գինի է: Պուզին ևս մի գաւաթ
խմելով գոչում է.

—Այս շան տղու տղէքս ինչպէս լաւ
գինի են ճանաչում, զորդ որ լաւ գինի է:

63.

Մէլիքն ընթրում էր, Պուզին էլ սաս-
տիկ անօթի կանգնած էր:

—Պուզի, ինչպէս լաւ և համով է լի-
նում, երբ ուտում ես փլաւը փասեանի մտով
և վերան խմում Ամարասի գինին:

—Մէլիք, սոված փորս վեց վեց է ա-
նում. այդ փասհանն թէ այդ փլաւին գլխին
և թէ Շխերին ձորումն (փասեանը որսա-
ցած տեղի անունն է) քանի որ ես սոված
եմ, ինձ ինչ օգուտ:

64.

Ճաշում էր Մէլիքն, բայց թողած կա-
քաւի և փասեանի փափուկ մսերը, կրծում
էր ախորժակով ոսկորները: Մի գիւղացի
ցած ձայնով ասում է.

—Քեզ մատաղ, Պուզի, Մէլիքն ինչ
պատճառով փափուկ մսերը թողած՝ կրծում
է ոսկորները:

—Մեծամեծ մարգիկ ոսկոր կրծած
(կաշառ առած) սովոր են լինում, այն պատ-
ճառաւ Մէլիքն սիրում է ոսկրները:

65.

Մի գանգատաւոր բողոքում էր Մէլի-
քին ասելով. —Ես նշանուել եմ թիւնի (Յա-
րութիւն) ապօր փոքր աղջկան հետ, բայց
պսակել տուին ինձ հետ մեծ աղջիկը:—
Պսակելիս ինչի չնայեցիր երեսին, ադա, այդ
հոգևոր գործ է. պէտք է գնաս առաջնոր-
դին:

—Մէլիքն ապրած կենայ, երեսը թանձր
քօղով պինդ ծածկել էին, ես էլ ամաչեցի
նայել: Միջամտում է Պուզին.

—Աղա Մուքի (Միքայէլ), ես իմ Ստեղծողն, (Աստուած վկայ) լաւն հենց այդ է, սիրուն հարսին թշնամին շատ է լինում. իսկ սրովհետեւ հարսիդ երեսն չիչոտ է, բացի քեզանից ուրիշ ոչ ոք չսիրէր. պատիւդ էլ տեղն կը մնայ, բնաւ չես ունենար ոչ կասկած և ոչ երկիւղ: Մարդն համոզուում է, այլ ևս չէ արձակում իւր հարսը:

66.

Մէլիքի կողմից ներկայանում է Պուզին թաւրիզում Պարսից հոգևոր գլխին, որ քաշում էր կլկլակ (նառկիլէ) Պուզին յանդիմանուում է Շէյխ-Իսլամից իբրև չափազանց շուտ շուտ խօսող: Գալիս է սպասաւորն, վեր առնում կլկլակը և դնում ուֆի վերայ և հեռանում: Տեսնում է Պուզին, որ կլկլակի գլխից ընկաւ Շէյխ-Իսլամի ամենաթանկագին շալ փաթաթոցի վերայ կրակ և սկսում է այրել, ամենածանր եղանակով ասում է Պուզին. «Երկնքից մի կրակ ընկաւ Շէյխ-Իսլամին գլխի խորասանի շալի վերայ. Խորասանի շալն այրեց, այրեց, այրեց»:

Շէյխ-Իսլամն, զգալով որ տաքացաւ

գլուխն և շատացաւ անախորժ խնճրմահօտն, իսկոյն առնելով գլխի փաթաթոցը նետում է բոխարու մէջ և Պուզու վերայ զայրացած ասում. «Մարդ Աստուծոյ, ինչի՞ շուտ շուտ շատացիք, որ չայրուէր շալս»:—Սուրբ մարդ, դուք հրամայեցիք ինձ ծանր ծանր խօսիլ, մահաւանդ վախեցայ որ շուտ շուտ խօսելով կրկին կը յանդիմանուիմ ձեր սրբութիւնից:

67.

Թաւրիզ քաղաքի պարսիկ հոգևորականներն հաւաքուում են Պուզու մօտ և ասում.

—Հայերն ինչ պատճառաւ թողած Մուհէմմատը՝ պաշտում են Քրիստոսը:

—Այն պատճառաւ, որ Քրիստոս Աստուած է, իսկ Մուհէմմատն մարդ:

—Ի՞նչ փաստով կարող ես հաստատել Քրիստոսի աստուածութիւնը:

—Նոյն իսկ ձեր զուրանի փաստով, որի մէջ Մուհէմմատ վկայում է. «Քրիստոս յարութիւն առաւ և երկինք համբարձաւ»:

Բայց որովհետև Մուհէմմատն սոսկ մարդ էր, նորա մարմինն մնաց աշխարհումս:

68.

Մի քանի պարսիկներ հարցնում են Պուղոն:

—Մեր հոգևորականներին հարցանում ենք թէ ինչ է պատճառն որ մեր Մուհէմմատ մարգարէն արգելած է մահմէտականաց չլսմել գինի, արաղ և ոգելից ըմպելիքներ: Նորա միայն ասում են. «Արգելուած է, հարկաւ լաւ արած է» բայց չգիտեն բուն պատճառը:

—Ձեր մարգարէն փորձով գիտէր որ Արաբ և Թուրք ցեղերն առանց գինի խմելու էլ անում են շատ անկարգութիւն, մարդասպանութիւն և շնութիւն: Եթէ ոգելից և արբեցուցիչ հեղուկներ ևս խմելու լինէին, չկարողանալով պահել, այլ բոլորովին կը դառնային հրեշներ և կը կոտորէին մէկմէկ: Ահա այս է պատճառն, որ արգիլած է:

69.

Պուղին Աւետարանոց դարձած ժամանակ տեսնում է մի Թեհրանցի Թուրք, որ

իւր ձին Մէլիքին ծախելու համար չափազանց գովում էր:

—Ահմատ, Շահն էլ տեսաւ ձիդ, հարցնում է Պուղին:

—Այո, Շահն էլ տեսաւ ձիս շահագատաներն էլ:

—Ուրեմն եթէ ձիդ գովածիդ չափ լաւ է, ինչ պատճառաւ Թեհրանից մինչև այս տեղ չծախուեցաւ:—Ձին դարձեալ մնում է անծախ:

70.

Մի պարտատէր յաճախակի գալիս էր և ձանձրացնելով ասում.

— Մէլիքն ապրած կենայ, Բաղոնց Սադիկն 12 մանէթ դրամ փոխ առաւ ինձանից. ինքն վախճանուել է, որդիքն էլ աղքատ են, չեն տալիս իւրեանց հօր պարտքը: Մէլիքն գատաստանը յանձնում է իւր զուարճաբանին:

Պուղին, իւր ձեռնում բռնած մի գրուած թուղթ, գնում է եկեղեցի փոխատուին հետ, թուղթը զետեղում է մի նոր ննջեցեալին աջ ձեռնում բարձրաձայն ասելով.— Մօսի (Մով-

սէս) ապեր, ես գիտեմ որ դու վաղն հասնելու ես Արքայութիւն, այս նամակը այնտեղ յանձնես Սաղի ապօր, ատես որ Պուզին խնդրում է քեզանից, որ անմինջապէս ուղարկես Մարտուն 12 մանէթը, որպէս զինքն էլ ազատուի Մարտուն ձեռքան, մենք էլ:

71.

Մի մարդ սաստիկ թախանձում է, որ Պուզին կնքահայր լինի իւր նորածին մանկան, — Վանէս, (Յովհաննէս) Աստուած վկայ, ես էլ իմ մանուկները ուրիշին եմ գրկել տալիս, պատասխանում է Պուզին:

72.

Մի շատ խելօք և ուսեալ կարծուած մարդ, որ ընկերացել էր Պուզուն, խեղճում է Երասխում լողանալիս: Պուզին, նստած գետեզերքում մի երկար ձողով խառնում է ջուրը: Հարցնում է մի անցորդ.

— Ինչի՞ ես ման գալիս, ա Պուզ:

— Մին շատ խելօք մարդի:

— Յամաքի վերայեն ապրում խելօքներն:

— Մեր ժամանակի խելօքներն ապրում են ջրերում:

73.

Մի ուրիշ մարդ, որ առաջին անգամն էր տեսնում Երասխը, հարցնում է Պուզուն.

— Ի՞նչ պատճառաւ չէ վշտում այս գետն:

— Մլաւան կատուն մուկ չէ բռնում երբ մլաւում են կատուներն, փախչում են մկներն: Երասխն էլ չէ վշտում, որ մարդ բռնէ, կլանէ:

74.

— Արդե՞ք շատ խոր է Երասխն:

— Մտիր մէջն և փորձիր, տես խոր է թէ երես:

75.

— Երևի թէ այսօր գինձ ես կերել որ խելքդ պակասել է: — Պատասխանում է Պուզին. — Այնպէս երևում է որ շատ գինձ ուտելով կորցրել ես խելքդ. դնա և այսուհետև կեր ջրըկուտեմ (ջրի կուտեմ.) որ յետ գայ պակասած խելքդ:

76.

— Խեղբիցդ մին քիչ ինձ փոխ տանս, ինչ կլինի:

— Ողորմած հոգի հայրդ էլ... փոխ առաւ, չկարողացաւ պարտքը տալ, պարտական մեռաւ:

77.

Դարձեալ հիւանդանում է Մէլիքն, հրամայում է, որ Պուղին ծիծաղացնէ զինքը: Պուղին բերում է ս. գիրքը: Մէլիքն ասում է.

— Պուղի. կարճես թէ Աստուածաշունչը առաջն դրած, տիրացուներին օրէնք սովորցնող եպիսկոպոս լինիս:

— Մէլիք, քեզ նման տիրացուլին՝ ինձ նման եպիսկոպոսն շատ է, որ քիչ չէ:

78.

Մէլիք, մի եպիսկոպոս քննում է մի տիրացու, որին հարցնում է. — Տիրացու, Քրիստոս քանի տարի մնաց այս աշխարհում: — Մտաւ եւ սուրբազան — Ո՞ր Քրիստոսն ես հարցանում:

— Օրնուած տղայ, քանի Քրիստոս կայ. Քրիստոս մէկ է. չկայ ուրիշն:

79.

Մէլիք, մի քահանայ, հարսանիքի համար ամեն ինչ պատրաստած տուն գնալիս, Յեխ-ձորում ընկնում է աւազակների ձեռքն, մերկացնում են Աղամի նման. թողում հագին մի հալաւ և մի փոխան: Քահանան աղաչում է որ թողնեն հալաւը և փոխանը: «Ձէ, անկարելի է. հանիր, շատ մի խօսիլ» — ասում են մարդասպան գողերն: — Քահանան մտքով խառնում է Ս. Գիրքը. որի մէջ հրամայել է Քրիստոս. «Եթէ բաճկոնդ ուզես, շապիկդ էլ տուր»: Բայց փոխանին համար ոչինչ չկայ նոր Կտակարանում. դարձեալ ընկնում է այժմ էլ Հին Կտակարանի մէջ. իսկոյն միտքն է գալիս Դաւիթ մարգարէի այս խօսքն. «Ընդ սրբոյն սուրբ եղիցիս, ընդ առն ամբժի անբիծ եղիցիս, ընդ ընտրեալն ընտրեալ եղիցիս և զթիւրան կործանեսցես». յետոյ ասում է, «Ս. գողեր, կարգաւոր մարդ եմ, այս փոխանը թողէք մնայ»: «Ձէ, հանիր, հանիր», Քահանան տեսնում է որ չեն

թողում, իսկոյն վեր է առնում մի ահագին ձողի, մի բոպէի մէջ սպանում չորս գողերը, հագնում իւր զգեստը և ձիերը միմեանց ետևից կապած տանում իւր տունն: Երիցակինն ուրախութեամբ ասում է. «Փնօք քեզ Քրիստոս, երէցս մի ձիով գնաց քաղաք, հինգ ձիով է գալիս»: Ասում է տէր տէրն.— Է՛յ իրիցկին, գնա Դաւիթ մարգարէից շնորհակալ եղիւր. եթէ բանն Քրիստոսին մնար, զիս մերկ տեսնելու էիր:

80.

Մի մարդ գնում է մի աւանակ, բանեցնում 4 տարի: Մի օր քաղաք գնալիս նստում է մի ծառի շուքում և քնանում, ծառից կապելով աւանակը: Երբ զարթնում է քնից, տեսնում է որ աւանակի տեղ մի երիտասարդ կապուած կապից: «Այ աւանակ, այս ինչպէս եղաւ որ մարդ դառար» հարցնում է տէրն էջին:

— «Իմ բարի տէրս, ես մի քահանայի որդի եմ, սաստիկ վշտացրի հօրս սիրտը, անիծեց որ աւանակ դառնամ հինգ տարի ժամանակաւ. երբ դու քնացար, այն բո-

պէին լրացաւ հինգ տարին, էլի մարդ դարձայ:

— Աղատեցի քեզ, վեր կաց գնա և հօրդ հնազանդ կնաց:

81.

Մարդն քաղաքն մտնելիս աչք է ածում որ գնէ մի աւանակ, տեսնում է որ գողացող գողերն ծախում են իւր աւանակը, որ իւր տէրը տեսածին պէս մօտենում է և քծնում, զուգում և ուրախութիւն անում: Տէրն ասում է աւանակին. «Այ պել շան տղայ, չկարողացար մի օր մարդ դարձած մնալ, էլի հօրդ սիրտը վշացրիւր, որ քեզ անիծեց աւանակ շինեց, ուզում ես որ կրկին դրամ տամ, քեզ գնեմ, որ էլի մարդ դառնաս, կորչի փողերս»: Ոչ տեսանես Եգիպտոս:

82.

ՊԸԸ. Պուղի, հերիք է:

— Մէլիք, քիչ մնաց, պրծնում եմ: Մին նորընծայ քահանայ իւր ջնպն լցնում է 50 բակլայ մեծ պասին, օրական թող է անում

մի բակլայ, որ Զատիկը չկորցնէ: Երիցակինն մի օր ջեպը կարկատելու ժամանակ տեսնում է բակլան և ինքն իրան ասում. «Երկու աչքս կուրանայ, նորընծաս բակլայով է ծով պահում»։ բերում է և լցնում ջեպն երկու բուն բակլայ էլ: Նորընծան կրկին ամեն օր նետում է մի բակլայ, բայց չէ վերջանում: Ասում է ժողովուրդն. «Նորընծայ, ամեն գիւղերում Զատիկ են արել, երբ լինելու է մեր Զատիկն»: Ասում է նորընծան. «Եթէ իմ բակլայի հաշուին նայենք, այս տարի Զատիկ չկայ ձեզ համար:

83.

Մէլիք, մի երիտասարդ Թեհրանում վեց տարի մնալուց վերջն գալիս է տուն. հարցնում է հայրն. Բաղի (Բաղդատար) փարսի սովորել ես:—Ապեր, սովորել եմ: —Ուղտին ինչ են ասում:—Այդպէս մեծ մեծ բաներ ես չեմ սովորել: —Մրջիւնին ինչ են ասում:—Այդպէս փոքր բաներ չեմ սովորել: —Գլխին.—սար են ասում. —Պարանոցին.—սրակոթ.

—Մազերին.— սրախտա.
 —Սօրուքին.— սարաւել.
 —Ընչացքին (պեղեր)— սարաագի.
 —Բերանին.— սարածակ.
 —Աչքերին.— սարալուսամուտ.
 —Ականջներին.— սարապատուհան.
 —Քթին.— սարնով.
 —Որդի, ես չեմ գնացել Պարսկաստան, բայց ես էլ գիտեմ այդպէս փարսի:—Ուրեմն, ապեր,
 —Կրիային ինչ են ասում.—Սուտտամ կեօլա.
 —Գորտին.— լոքտամ կեօլա.
 —Խլեղնին.— շուտամ քօլա:

84.

Երեք կարդացող գնում են միասին, ապա անօթանում են: Շատ աշխատում են գտնել ուտելիք, գտնում են միայն մի ձու: Պայմանաւորում են ով որ լաւ բան կտէ. նա ուտէ ձուն: Երեքից առաջինն իւր կողն քաշելով ձուն՝ ասում է.
 —«Ղազարէ արի եկարտաքս»: Երկրորդն կեղևում է ասելով.

— «Առածէք զգաւ և թողէք երթար: Եր-
րորդն էլ ասում է.

«Մուտ յուրախութիւն տեառն քո» և
ձուն ուտում:

85.

Միասին ճանապարհ են գնում մի հայ
քահանայ, մի հրէա խախամ և մի թուրք
մողա և երեքն էլ հիւր լինում մի տան:
Տան տէրն բերում է մի աման փլաւ: «Հա-
զիւ մի մարդ կշտացնէ փլաւս, եկէք քնա-
նանք. արթնցած ժամանակ ո՛վ որ լաւ երազ
տեսած կը լինի, կը պատմէ, նա ուտէ փլա-
ւը»: Համաձայնում են: Երբ քնանում են
խախամն ու մողան, քահանան ուտում է
փլաւը և քնանում: Առաւօտեան պատմում
է խախամն. «Դնացի երազումս Մովսէս մար-
գարէի նկարագրած դրախտն և կերայ այն-
պիսի պտուղներ և խմեցի այնպիսի անմա-
հական ըմպօլիքներ, որ անկարելի է պատ-
մել բերանով»: Ասում է թուրքն. «Երազիս
գնացի Մուհամմատի դրախտն, կերայ փլաւ,
ինչ տեսակ շարբաթ, ինչ հուրի՛, փեբի՛,
ղալեան...»: Քահանան ասում է. «Երազումս

տեսայ, որ ձեզանից մին գնացել է Մովսէսի
դրախտն, միւսն էլ Մուհամմատի, այս տեղ
միայն մնացել եմ ես, կերայ փլաւը»:

86.

Մի հիւսն, մի դերձակ և մի վարդա-
պետ միասին գնում են ճանապարհ. մրթ-
նում է այնպիսի մի տեղ, ուր հարկ է լի-
նում ընկերից մին արթուն հսկել: Քնա-
նում են վարդապետն և դերձակն, իսկ
հիւսն (խառատն) շինում է մի փայտեայ
մարդ. ապա արթնացնում է դերձակը և
քնանում ինքն: Դերձակն էլ կարում է լաւ
հագուստ և հագցնում փայտեայ մարդին,
ապա զարթեցնում է վարդապետը և քնա-
նում ինքն: Վարդապետն երբ տեսնում է,
որ փայտեայ մարդի ամեն ինչն պատրաստ է,
պակաս է միայն հոգին, չորում և աղի ար-
տասուքներ թափելով աղօթում և ասում.
«Ո՛վ սուրբ Հոգի Աստուած, հիւսն ցոյց
տուաւ իւր շնորքը, դերձակն էլ իւր շնորհքը.
այժմ կարգն իմս է, որ ես էլ ցոյց տամ իմ
շնորհքը: «Աւրեմն Ո՛վ Հոգիդ Սուրբ Աս-
տուած, փչի՛ր այս փայտին մի հոգի, որպէս

զի փառաւորուի Քո Աստուածութիւնն և պարզերես մնամ ընկերնիս մօտ: Իսկոյն կենդանանում է փայտեայ մարդն:

87.

Պուզին գնում է Ամարաս, կաթուղի-կոսից առնում մի կոնդակ, որ գնայ ժողովարարութիւն անէ: Կաթուղիկոսն ստորագրելուց յետոյ, ասում է Պուզին.

— Հոգևոր Տէր, մին կարդս, ծառադ եմ:

— Պուզի, լաւ եմ գրել տուել, ապահով եղիր:

— Նատ խնդրում եմ, թող մին կարգայ գրագիրն: Ընթերցումը վերջացնելուց յետոյ, ասում է Պուզին.

— Արդարեւ շատ լաւ դրուած է. դէ մի ողորմութիւն ցնծս, Հոգևոր Տէր:

— Ագա, ինչ ողորմութիւն, կոնդակը տուին, վեր առ և գնս:

— Հոգևոր Տէր, Դու որ քո տուած կոնդակը չես յարգում, ողորմութիւն չես շնորհում, ժողովուրդն բնաւ չյարգեր և ողորմութիւն չտար: Վերջապէս իւր տուած կոնդակը յարգելու համար ստիպուում է կաթուղիկոսն ողորմութիւն տալ:

88.

Մի օր ժամերգութիւնն վերջանալուց յետոյ Մէլիքն շատ է նայում մի նոր օծուած Աստուածածնայ պատկերի վերայ, ապա հարցնում.

Պուզի, որ կողմից էլ որ նայում եմ, պատկերն էլ ինձ է նայում:

— Մէլիքն ապրած կենայ, դու էլ այդ պատկերի նման պէտք է լինիս, ամեն ժամանակ, ամեն կողմից պէտք է Հայոց ազգի վերայ պահես աչքդ, սիրտդ, միտքդ և հոգիդ:

89.

Մի օր Պուզին ասում է.

— Ա. կնիկ, ծմակումն տեսել եմ լաւ, համեղ տանձ. տնւր ինձ մի չուալ որ գնամ, լցնեմ, բերեմ:

Ժողովում է տանձը, լցնում չուալը, դառնում աղբիւրի մօտ, ուտում հացը և սկսում քաղցր քնանալ: Գալիս է մի վարպետորդի, իւր հաւաքած թթու սալորը փոխադրում Պուզու չուալի մէջ և տանձը՝ իւր չուալի մէջ. նախկին շինածի պէս շինում Պուզու չուալի բերանը և հեռանում առ-

ներով իւր չուարը: Հասնում է տուն Պուղին
և ասում, այ կնիկ, մի տանձ եմ բերել, մի
տանձ եմ բերել, որ գնում ես բերանումդ,
հարուում է շաքարի նման:

Կինն, բանալով չուարի տերեւները, տես-
նում է, որ թթու սալոր է բերածն, կոչում
է. «Աստուած թակի քո խասիւթի, ա մարդ,
թթու, զոզուան սալորը բերել ես, ասում
ևս տանձ եմ բերել:

Այս անսպասելի փոփոխութիւնը տես-
ներով զարմացմամբ կոչում է Պուղին. — Ա,
կնիկ, ողորմի հօրդ, մի լաւ նայիր, և տես,
ես Պուղին եմ:

— Այո, իմ մարդ Պուղին ես:

— Ա, կնիկ, եթէ ես Պուղին եմ, տանձ
եմ ժողովել և ոչ սալոր:

90.

— Պուղի, առաւօտ շուտ դաս, յղելու
եմ քեզ Գանձակ:

Պուղին կէսօրին կերևի Մէլիքին, վեր-
ջինս ասում է.

— Ադա, չասացի՞ քեզ որ շուտ գաս,
յղելու եմ Գանձակ:

— Մէլիք, Գանձակ եմ գնացել և եկել:

— Նամակ կար, պէտք է տանէիր:

— Պուղին եմ, մէկ էլ եմ գնում, տուն
նամակը:

Կրկին միկնոյն օրում գնում է Գանձակ
և առնում բերում պատասխանը, որը կար-
գալով զարմացած ասում է. — Ադա, Գան-
ձակ մօտ է, որ այսպէս շուտով գնում ես և
գալիս:

— Շօշու գիւղն անցնում ես, Գանձակն է
էլի:

91.

Գալիս են մի քանի գանգատաւորներ,
դատելը յանձնում է Պուղուն:

Ասում է առաջինն. — Հարևանս անբա-
րիշտ մարդ է, հանգստութիւն չունենք. ա-
մեն օր կռուում է, հայհոյում, անիծում.
բոլորովին զուր տեղն:

— Երեք միջոց կայ, որը ընտրում ես,
այն արա. կամ տունդ ծախիր մի աւելի
հայհոյիչ մարդի և դուրս եկ. կամ նա ծախէ
տունը և դու առ, և կամ քանդէ տունդ
և տար վերև շինիր:

92.

Երկրորդն ասում էր.

— Եղբորիցս բաժանուել եմ. ամեն ինչ բաժանել ենք յօժարութեամբ և վիճակ ձգելով վերջացրել. միայն մնացել է անբաժան մի տաշտակ. ո՛չ ինձ է տալիս, ո՛չ էլ ինքն է վեր առնում. ի՛նչ անեմ:

— Կամ ծախեցէք տաշտակը և բաժանեցէք փողը և կամ տուէք աղքատի, որ բանեցնէ և ողորմի տայ ձեր ծնողաց:

— Ո՛չ այսպէս է անում և ո՛չ այնպէս:

— Գնա՛, միջից կէս արա՛, որն շատէ՛ տուր եղբորդ:

93.

Երրորդն ասում էր

— Կինս լաւ չէ կառավարուում մօրս հետ. մայրս էլ բարկանում է և անիծում. Ի՞նչ անեմ, չեմ կարող թողել մայրս, կինս էլ միշտ փախչում է դնում հօրենց տուն.

— Կամ պէտք է մօրիցդ բաժանուես և կնոջդ հետ ջով ապրես, մայրդ էլ կառավարես, ապրուստը հոգաս, և կամ՝ բերել տաս

զուռնա-դաւալ, տանդ աժեն, պարեն: Դու էլ առաջուց կը տարածես թէ որովհետև կինս անհնազանդ է մօրս, հարսանիք եմ անում, նոր կին եմ բերում: Կինդ, երբ լսէ զուռնայի ձայնը և տարածուած լուրը, իսկոյն կը գայ և կը հնազանդուի: Այդպէս էլ վերջանում է գործն:

94.

Մի քահանայ խիտ կռախտ ձայնով և անախորժ եղանակաւ երգում էր «Որ պատուիրան ճշմարտութեան» բլ. շարականը: Եկեղեցուց ելնելուց յետոյ ասում է Պուղին քահանային.

— Ա, տէր, եթէ ներսէս Շնորհալին իմանար, որ դու այս շարականը այսպէս երգելու էիր, բնաւ չէր յօրինիլ...:

95.

Ամարասի կաթուղիկոսն Մէլիքին այցելութեան եկած ժամանակ հարցնում է.

— Պուղի, Մարալ-Չորին ինչի ես բերել:

— Ծառայ եմ սուրբ աջիդ, Հօգևոր Տէր, Մարալ-Չորին դուք ինձանից կաշառք

առիք, ես էլ ձեզանից, հաւասարուեցինք: Մովսէս մարգարէն ասել է. «Ով որ քո ջարին առնէ, դու էլ նա նորա ջարին»:

96.

Պուզի, լաւ քարոզիչ կը լինիս, եկ, վարդապետ ձեռնադրեմ քեզ:

— Հոգևոր Տէր, ես առանց ձեռնադրուելու անգամ Մէլիքիս համար թէ վարդապետ եմ թէ եպիսկոպոս:

97.

Պուզի, դու որ այս չափ խելօք ես, Մէլիքն ինչ պատճառով պիտէ դրել քո անունը:

— Միմիայն նորա համար, որ ես շատ խելօք եմ իրանանից:

98.

Կաթողիկոսն կնքում էր իւր կնքով շատ գրուած կոնդակներ, զորս կարգաւ մօտեցնում էր իւր ատենադպիրն. ասում է Պուզին.

— Հոգևոր Տէր, շատ խնդրում եմ, որ

մի կարմիր կնիք էլ իմ ճակատիս կնքէք, որ ուրիշ մարդի հետ փոխս չընկնիմ, որովհետեւ մի քանի ամիս առաջ համեղ տանձ էի հաւաքել և չուալը լցրել, բայց մինչև տուն բերելս դառել էր թթու սալօր:

99.

— Պուզի, մի զուարճաբանութիւն արձ, լսենք:

— Հոգևոր Տէր, մի քահանայ շատ աղքատ է լինում, մաշուում է իւր փիլոնն, դրամ չէ ունենում, որ գնէ նոր փիլոնացու. ամաշում է ոչ ոքի էլ յայտնել: Օրհնեալ երիցակինն ինգլիզի խելք է բանացնում — խուզում է իւրեանց շատ շնորի երկամազ սե բուրդը, 15 անգամ լուանում սապոնով, յետոյ զզում, մանում, հինում, գործում մի փիլոնացու. ապա ձեռում, կալում մի լաւ փիլոն, տէրտէրն նորա վերայ քանի անագ հայր մեր ասելով, աղօթք ու օրհնութիւն կատարելով, իւր վերայ է առնում և ուրախանում: Փիլոնն հնանալուց յետոյ էլ կոտորում է երիցակինն և նորանով կարկատում աւանակի չուլը: Քահանան

նայում է, նայում կարկատանի վերայ և
ասում.

«Ո՛ր ժամանակ, ժամանակ,

«Մի ժամանակ շուն էիք շատ հաչան,

«Մի ժամանակ Հրեշտակներ վերադ-
ելան.

«Այժմ էլ կացել ես մեր սև էշին ջոխա-
փչանո»:

100.

— Պուղի, ես միշտ ձեռնադրել եմ տա-
լիս լաւերը:

— Հոգևոր Տէր, լաւերը ձեռնադրում
ես և քցում Ազգի ջանին: Քո ձեռնադրած
վարդապետներից մին մի օր այս տեղ քա-
րօզ տալաւ, ասեց. «Քրիստոս ասում է, թէ
օր մէկն զարկէ քո մի երեսին, դէմ արա
և միւս երեսը»: Թաւրիզ գնալիս ընկայ
չորս թուրքի ձեռք, մին մի լաւ զարկեց
երեսիս, դէմ արի և ձախը, զարկեց և
սրան, դէմ արի գլուխս, կուրծքս, մէջքս,
ուղածին չափ զարկեց ամեն տեղին էլ:
Ինքս ինձ մտածեցի և գտայ, որ այս խօսքը
ասող Քրիստոսին դեռ մի երեսին էին զար-

կել, միւսը՝ դէմ չարաւ, այլ ինքընդինքը
պաշտպանելով ասաւ. «Եւ Յիսուս ասէ ցնա-
եթէ չար ինչ խօսեցայ, վկայեմ վասն չա-
րին, իսկ եթէ բարի, ընդէր հարկանես
զիս!»): Ուրեմն այս տեղ մի ուրիշ միտք կայ,
որ լաւ չեն հասկացել մեր վարդապետներն:
Քրիստոս մի մի տեսակ զէնք տուած է ամեն
անասունի, թռչունի: Գոմեշին, եզան, կովին,
եղջերուն ևն, ևն տուած ամուր եղջիւր-
ներ. ձիուն, իշին տուած է ատամներ և
սմբակներ, որք առաջից խածնում են և
ետեից աքացի զարկում. առիւծին, վագրին,
ինձին, գայլին, խոզին և շան տուել է ճի-
րաններ և ճանկեր. օձին, կարճին, մորմին՝
թոյն, մեղուն խարտ, արծւոյն, բաղէին,
չահէնին ևն, ևն—ամուր կտուց և սուր ճան-
կեր, որպէս զի դոցանից ամեն մին պահ-
պանէ իւր կեանքը և գոյութիւնը: Անասուն-
ներին, գազաններին, թռչուններին, միջատ-
ներին այսպիսի զէնքեր տուող Աստուածն
մարդին բնաւ չի պատուիրել՝ թէ թող քեզ
ծեծեն, սպանեն, կողոպտեն, մերկացնեն,

1) Յով. ԺԸ. 22—23:

տունդ քանքեն, եղած չեղածդ ծեռքիցդ
 առնեն, երախաներդ թողեն որբ, մերկ, սո-
 ված, ծարաւ, կինդ որբեւարի՞, որ մինչև
 իւր մահուան օրն լալով, սգով, թառանչ
 քաշելով, ողջ ողջ գերեզման մանէ, ևն, ևն։
 Քրիստոս ասել է. «Որմին երեսիդ զար-
 կեն, սիրով դարձուր և միւս երեսդ, որ
 զարկողն ամաչի իւր արածից և չգարկէ։
 Քրիստոս բնաւ ասած չէ, թէ դու գնոյ և
 յիմարաբար սպանել տուր քեզ Տակաւին
 մի երեսին զարկած՝ աճապարեց զինքը
 պաշտպանել Քրիստոս, ասելով. «Եթէ չար
 խօսեցի, վկայիր չարին համար, իսկ եթէ
 բարի, ինչի համար ես զարկումս։»

Հոգևոր Տէր, ծառագ եմ, քաղաքավա-
 րի ձևով ասացի։ Ա, թուրքեր, Աստուած
 սիրէք, հեռացէք գլխիցս, ինձ արնատէր մի
 շինէք, ինձ մարդասպան մի անէք, թողէք,
 որ շարունակեմ ճանապարհս։

— «Հայ կեաւուր, դեռ խօսում ես հա-
 մարձակ, դիմադրութիւն էլ ես անում, կարի
 ձենդ», և սկսեցին կրկին զարկել, Ամեն ինչ
 կատարեալ էր, լցուել էր համբերութեան
 չափն, հունի չումաղաւս մին մին զարկի

ուզիդ ականջների տակին, երեքի փորերը
 խառնեցի երկսայրովս, մինն փախաւ և ա-
 զատուեց. սպանուածների վերայ ասացի մի
 թարս հոգոց, գնացի Թաւրիզ։

Հոգևոր Տէր, Հայոց եպիսկոպոսներն,
 վարդապետներն և քահանաներն այսպէս
 քարոզներ տալով քանդեցին մեր ազգի
 տունը. Աստուծով, Աւետարանաւ և խաչով
 վախեցնում են ժողովուրդեան աչքը, մուր-
 ցնում միտքը և թուլացնում ձեռները։ Ա-
 սացին. «Ամեն բան մեղք է, կրկնկիբ հրե-
 դէն կրակի մէջ, ձեր Գլխին քաւ եւ կար-
 կուս կը թափէ Աստուած, մարդի վերայ
 հրացան չկրակէք. թուրք, երկսայրին պա-
 տեաններից չհանէք. գնացէք, մաադոթի
 ոչխարի պէս, որ առանց խօսելու կոտորեն
 ձեզ, ջնջեն, որ գնաք Աստուծոյ Աքրայու-
 թիւնն»։ Պարսից մուշտէյիդ, ախունդ, զազի,
 մուլա, դաւրիչ, շէյխ-խալամ, թուրքի, արաբի
 հոգևորականներն էլ, հաստատ իմանալով որ
 Հայոց հոգևորականներն այսպէս քարոզնե-
 րով են սնուցանում իւրեանց ժողովուրդը,
 իրանք քարոզում են իւրեանց ժողովուրդ-
 ներին ասելով. «Քրիստոսից ապրանքն հա-

լայ է ձեզ. գողացէ՛ք, յափեսակեցէ՛ք, թա-
լանեցէ՛ք, Գրիսոնէից արիւնք հալալ է
ձեզ, սպանեցէ՛ք, կոտորեցէ՛ք, խլեցէ՛ք
նոցա կիները, աղջիկները, տղերք, փողը,
ապրանքը, կերէք, խմեցէ՛ք, քե՛զ քաշեցէ՛ք.
ձերն է Մուհամմասի դրախտն, հիւրի, ճե-
րիներն: Այս պատճառով էլ գիշակեր արծույ
նման թափուեցին Հայաստան Պարսիկ, Ա-
րար, Օսմանցի, Թաթար, Լեկզի, Քուրդ,
Աւշառ, Չինկիզ-խան, Լանկ-թամիր, սրուած
թուրերով և սուրերով կոտորեցին Հայոց
ժողովուրդը, քանդեցին վանքերը և եկե-
ցիները, գերի տարան և թրքացրին շատե-
րը, ծախեցին մի մասը: Աւերուեցաւ Հա-
յաստանն և քանդուեց Հայոց տունն, ճռա-
քաղ եղաւ Արամի, Տիգրանայ, Տրդատայ,
Արմենակայ և Հայկայ երկիրն: Տակաւին
մինչև այսօր էլ նոյն փորձանքներին ենթա-
կայ է մեր հայրենիքն և մեր մի բուռն մնա-
ցած Հայ ժողովուրդն, հազիւ թէ տանն
բաժնից մինն:

Հողերը Տէր, տեսնո՞ր թէ ուր հասացրին
Աւետարանի միտքը ծուռ ըմբռնելու հե-
տևութիւններն: Կարդացէ՛ք Աւետարանի

երկու երեսն էլ. շատացրէ՛ք իմաստուն կար-
գաւորների թիւը, որ գոնէ այսուհետև կա-
րողանան պահպանել մնացածը և օրինաւոր
քարոզներ տալով՝ հանեն ժողովրդեան խղ-
ճմտանքի փուշը, հասկացնեն, որ ինքնապաշ-
տաւութիւնն աճեն ին հակառակ չէ Աս-
տուծոյ օրինաց, այլ ամեն մի անհատի
անկապտելի իրաւունք է շնորհուած Ստեղ-
ծողից, ինչպէս տեսանք: Ես էլ եմ կարդա-
ցել Աւետարանը. Քրիստոս պարզ ասում է.
«Այն ամենը, ինչ որ կամենում էք, որ մար-
դիկ անեն ձեզ, նոյնպէս արէք և դուք
նոցա. որովհետև իսկապէս այն է օրէնքն էլ
մարդարէն էլ, այսինքն այնպէս են պատուի-
րում իսկապէս և օրէնքն և մարդարէններն»
(Մատ. է. 12): Այս պատուերը Քրիստոս
միայն մեր ազգին չտուաւ, այլ տուաւ և
իւրաքանչիւր ազգի և իւրաքանչիւր մարդի-
ն: Ես այսպէս եմ հասկանում այս խօսքի
միտքը: Քրիստոս հարցնում է իւրաքանչիւր
մարդի. «Դու ուզո՞ւմ ես, որ ուրիշն տայ
քեզ ողորմութիւն, պատիւ և յարգանք. դու
սիրո՞ւմ ես ուրիշն քեզ հիւրասիրէ, նեղու-
թեանդ օգնէ, կարօտ ժամանակդ փոխ տայ

քեզ».—Այո՛, Տէր, ուզում եմ և սիրում եմ:—Ապա ուրեմն դու ևս ողորմիր, պատուէ և յանգանք տուր ուրիշներին. դու ևս հիւրասիրէ ուրիշները, օգնիր այլոց նեղութեան և փոխ տուր կարօտեալներին: Դու ուզում ես, որ ուրիշն քանդէ քո տունը, գողանայ քո փող և ապրանքը, սպանէ քեզ և քո զաւակները և մարէ քո ծուխը: Ոչ, չեմ ուզում, ձեռն օրովհետև այդպէս է, ոչ ուրիշի ունեցածին ծուռ աչքով նայիր և ոչ նորա կեանքին և գերդաստանին»:—Ձէ, Քրիստոս, ես ուժեղ եմ, զօրքայ եմ, ես պէտք է սպանեմ, գողանամ, յափշտակեմ, քանդեմ այլոց տուները և լցնեմ իմ տունը, քեֆ քաշեմ:

—«Ուրեմն դու ուզում ես, որ ուրիշներն էլ սպանեն քեզ, գողանան և յափշտակեն քո կայքը և գոյքը. քանդեն քո տունը և ջնջեն քո սերունդը»: Ահա այս է Ս. Աւետարանի և աստուածաշնչի ոգին և վճիռն:

101.

—Պուզի, ես քեզ ասացի զուարճարանութիւն արա, թէ քարոզ տուր:

—Հոգևոր Տէր, խօսքը առաջ դու բացիր. ասացիր. «Ես ձեռնադրում եմ լաւերը»: Ետո ցաւ ունեցողն շատ կը խօսի: Հայոց ազգի ցաւերն, Հայոց քարոզիչներին քարոզների վնասակար ուղղութիւնն շատ խօս են արել զիս, ցաւագար են դարձրել: Մեր ցաւերն, մեր նեղութիւններն եթէ քեզ չյայտնենք, Հոգևոր Տէր, էլ սեմ պէտք է յայտնենք:

102.

—Մէլիքին թանկագին արևն վկայ, Պուզի, շատ լաւ մեկնեցիր Ս. Աւետարանի այս խօսքը, եթէ բոլոր Աւետարանը այսպէս գեղեցիկ մեկնէիր, կատարեալ մեկնիչ կը լինէիր:

—Քո օժեալ կարգն վկայ, Հոգևոր Տէր. Ս. Աւետարանը քո վարդապետներից և եպիսկոպոսներից լաւ եմ հասկանում և լաւ էլ կը մեկնեմ, ցաւն այս է որ Մէլիքն անունս Պել է յայտարարել: Լաւ է մարդի աչքն տեղից դուրս գայ, քան թէ վատ անունն: Վախում եմ մին մեկնութիւն գրեմ, չընդունեն, ասեն մեկնիչն խեղդ է եղել. խեղդի

մեկնութիւնն ինչ կը լինի: Լաւ էր Մէլիքին
մէջքի կողմն դուրս պրծնէր. քան իմ ա-
նունն Պել հռչակուէր:

103.

— Ադա, անպատիւ արիւր զիս Հոգևոր
Տիրոջ մօտ, դժօխքն պէտք է սեղարկեմ քեզ:

— Մէլիք, քո ձեռքից պրծնելու համար
չատ սիրով կը գնամ, ամսական քանի՞ մա-
նէթ փուլ կը տաս ինձ և տարեկան քանի՞
ձեռք շոր (ղգեստ):

104.

— Պուզի, քանի՞ տարեկան ես:

— Հոգևոր Տէր, եթէ Մէլիքի ձեռքիցն
այս տարի էլ ողջ և առողջ պրծնելու լինիմ,
եթէ հաշուելու լինինք և գիշերները, ութ-
սուն տարեկան եմ. իսկ եթէ հիմի մեռնեմ,
քառասուն տարեկան եմ.

105.

— Կինդ քանի՞ տարեկան է, Պուզի:

— Հոգևոր Տէր, սննը ծանր է (յղի է),
եթէ Մէլիքի աղօթքովն ողջ առողջ ազատուի
31 տարեկան կը լինի:

106.

— Քանի՞ զաւակ ունիս:
— Մէլիքի արդար աղօթքովն եթէ կեն-
դանի կը մնայ նոր աշխարհ եկող մանուկն
էլ, կունենամ 5 զաւակ:

107.

Փորձակալ վարդապետն սաստիկ ծե-
ծում էր անբարոյականութեան պատճառաւ
մի կին, որ ամեն փայտի հարուածը ընդու-
նած ժամանակ գոչում էր ցաւագին ձայնով.

— Տունդ քանդուի, վարդապետ, կինդ
մեռնի, վարդապետ, երախաներդ կոտոր-
ուեն, վարդապետ. հոգիդ սատանան տանի,
վարդապետտա:

Ասում է Պուզին.

— Վարդապետի տունն քանդուել է
այն օրում, երբ նա մտել է վանք. մեռել է
կինն լոյս աշխարհ չտեսած, կոտորուել են
երախաներն իւր իրանում. վարդապետի
հոգին արգէն սատանայինն է...

Չափազանց ծիծաղում են կաթուղի-
կոսն և Մէլիքն և ազատում յանցաւոր
կինը:

Մի ծպտեալ ուսւ լրաես դիմելով Մէ-
լիքարան՝ թախանձանօք խնդրում է ձի Շուշի
գնալու, իմանալով որ չկար ուսներէն գիտ-
ցող, աշխատում է հասկացնել ձեռքի շար-
ժումներով. — Տաշի, տաշի (տանր, տանր):

Պատասխանում է Պուղին. — Քունձա-
հար, կացին չկայ, ուրադ չկայ, ինչով տա-
շեմ:

— Սկարէյ, սկարէյ (շուտ շուտ).

— Որպէս թէ փայտը տաշեց, տաշեղը
շատացրուց, մնաց կսկարէնքը (եռօտանի),
որ փլաւ եփի, ուտէ:

— Պաղի սուգա (այս տեղ եկ):

— Հիւսն վարպետ Բաղին տան չէ,
գնացել է Գանձակ:

— Ախտի չորտ (նյ սատանայ):

— Չուն կենայ (փակչի) ք՞ պկադ և
ք՞ հօր պկան (պարանոցին):

— Ադա, Պուղի, ինչ է ուզում այս մարդն:

— Մէլիք, չե՞ս տեսնում, ուզում է ուստա-
Բաղին, կացին, ուրադ, կսկարէնք: Այնպէս է
երևում, որ տուն պէտք է շինել տայ:

Ռուսն ոտքով հեռանալուց յետոյ, Մէ-
լիքին հիւր է գալիս մի Եւրոպացի հնախոյզ,
որ լսած լինելով զուարճաբանի համբաւը,
անում է ձեռքի շարժումներով 3 առաջար-
կութիւն և ստանում գոհացուցիչ պատաս-
խան: Հնախոյզն առանց խօսելու քաշում է
գետնի վերայ մի կարակնաձև գլոր գիծ:
Շրջագիծը կիսում է Պուղին՝ նոյնպէս առանց
խօսելու: Հնախոյզն երկու ձեռները իրար
մօտեցնելով՝ ձեացնում է մի գունդ. Պու-
ղին էլ ձեացնում նոյն գունդը շրջապատող
աւելի մեծ կամար: Հնախոյզն բարձրացնում
է միայն աջ ցուցամատը. իսկ Պուղի աջ
երեք մատը: Եւրոպացին կոչում է. — Վիւն,
վիւն, Պուկի (կեցցե՛ս, կեցցե՛ս, Պուղի):

Հետաքրքրութեամբ հարցնում է հնա-
խուզի ընկերն: Բացատրում է հնախոյզն
ասելով. — Ես ասացի, այսպէս կլոր է աշ-
խարհս. Պուղին ասաց՝ կէսն ջուր է: Ես
ասացի, օդի մէջ սահմանուած է երկրագուն-
դըս, նա պատասխանեց, շրջապատուած է
տիեզերքով և երկնային կամարով: Ես ասա-

ցի, մի է Աստուած, Պուղին պատասխանեց. մի Աստուածութեան մէջ կայ երեք անձն- Հայր, Որդի և Ս. Հոգի: Այս պատճառաւ ես գովեցի իւր արժանաւորութիւնը և հասկացողութիւնը:

Հարցնում են և Պուղուն Ս. կաթուղի- կոսն և Մէլիքն.

— Եւրոպացին կլոր դիժ քաշելով ինձ հարցուց. մի աման փլաւ կայ, կուտես, Պուղի: Ես ասացի. կէսը կուտեմ: Նա ասաց. մի աման էլ լաւ խորոված կայ, այն էլ կուտես. ես պտտասխանեցի, ծածկիր ամանի բերանը՝ որ չսառչի խորովածն, մինչև վերջացնեմ փլաւը. նա ասաց. մի մատով աչքդ կը հանեմ, ես էլ իմ երեք մատովս ասացի. երկու աչքերդ էլ կը հանեմ, քիթդ էլ պուկ կը տամ. խելօք կաց հա:

111.

— Պուղի, այսօր չափազանց համարձակ ես խօսում:

— Մէլիք, շատ շատերն կան ինձանից անելի համարձակ խօսող-օրինակ հարբածներն, խենթերն, դիժերն, յանկարծ հարս-

տացողներն, կաթուղիկոսները շաթիրներն, շահերի խոհարարներն, խաների եասաւու- ներն (արտաքին ծառաներ), տանուտէրները գզիրներն և մարդոց վերայ իշխած կիներն:

112.

Աւետարանոցի դպրապետն ամեն անգամ «Գուհութիւն» ասելու ժամանակ հանում է ժամաշապիկը և խօսվածի պէս բարկացած դուրս գնում եկեղեցուց: Պուղին մի օր հարցնում է ելնելու պատճառը, պատասխանում է դպրապետն.

— Դուրս եմ գնում նորա համար, որ պատարագում յիշում են կաթուղիկոսին, մեր առաջնորդին, Մէլիքին և ժամարարին անունները, իսկ ես այսչափ տարուայ աշխատաւոր եմ տաճարիս, չեն յիշում իմ անունը: Ասում է Պուղին դպրապետին.

— Բազի, յետ դառ, գեց (զգենուլ) շապիկդ և երգիր, ես յիշել կը տամ քո անունը, զկնի պատարագին ասում է սեղանի երգիչներին. — Այսուհետև յիշեցէք պատարագում և ձեր դպրապետի անունը այսպէս. «և մին նստելում 15 լաւաչ գզող

դպրապետ Բաղուն, որ ամեն պատարագի կիսում հանում է ժամաշապիկը և փախչում: Բաղին խոտանում է այլ ևս չհանել մինչև պատարագի վերջն, միայն թէ բնաւ չլիշուի անունն:

113.

— Պուղի, կինս լաւ չէ կառավարուում ինձ հետ:

— Ի՞նչ պատճառաւ:

— Հարստի աղջիկ է. բերել է իւր համար փող, տնամիջի կահուկարատի, շատ հագուստ, աղախին: Այլ ևս չէ նայում կղակիս: Ի՞նչ պէս անեմ:

— Դու կին ուղելու տեղ, ուղել ես փող և տնամէջ. դու քո տան համար կին բերելու տեղ, բերել ես թագուհի: Ուրեմն այսուհետեւ ձեր տան մէջ կնոջը ամենափոքր ծառան դու ես. այսուհետեւ նա է քո տան տէրն և մարդն, իսկ դու նորա ծառան և ստրուկն, մինչև մահը պէտք է համբերութեամբ տանես:

114.

Մի ուրիշն հարցնում է.

— Պուղի, քեզ մատաղ. բա ես ի՞նչ անեմ, պսակուել եմ հարստի աղջկան հետ, ամեն տարի ուզում է երկու ձեռք հագուստ. ես էլ աղքատ մարդ եմ, ուժս չէ պատում անել երկու ձեռք զգեստ:

— Դու էլ գնն, տարին մի գոմէջ կամ եզնը ծախիր և զգեստ արձ կնոջը համար: Վերջապէս կտրիր բերանիցդ և պատրաստիր զգեստ: Եթէ դու չանես, կինդ ուրիշ ճանապարհաւ կանէ:

115.

Մի ուրիշն հարցնում է.

— Պուղի, ախր աղջիկս մեծացել է և մնացել տանս:

— Մալքում (Մելքոն), մինչև ցայսօր ոչ ոք չեկան աղջիկդ ուղելու:

— Հինգ անգամ մարդիկ եկին, ուղեցին բայց ես չտուի:

— Ի՞նչ պատճառաւ:

— Պահեցի որ լաւ մարդի տամ, նա էլ չուղեց:

— Հինգից մինը հաւանելու և տալու էիր: Այսուհետև լաւն այն է, որ նշանես առաջի եկողին. էլ ուրիշ ճար չկայ:

116.

Ներս են մտնում Իբրահիմ-խանից յըզուած չորս սպասաւոր և իմացնում, որ Պուղին տանելու են կախելու: Կինն ասում է.

— Ա, մարդ, ողորմի հօրդ, չուան տար, գալու ժամանակ դարձիր փայտ բեր, որ հաց թխեմ:

— Այս մէկ. ասում է Պուղին և գնում տանից: Երբ ներկայանում են խանին Շուշում, խանն հրամայում է.

— Տարէք, շուտով կախեցէք կախաղանից:

— Այս էլ երկու, ասում է Պուղին թուրքերէն բարձր ձայնով, երկուսի խելքն էլ մի և նոյն է,

— Ո՞ր երկուսի, Պուղի, հարցնում է յետ կանչել տալով:

— Խան, իմ կնոջ խելքն և քո խելքն մի և նոյն է:

— Ահա թէ ինչպէս. կինս արդէն չսեց,

որ զիս բերում են կախաղան հանելու և կախելու, փոխանակ լալու և սգալու, որ մարդը տանում են սպանելու, ծիծաղելով ասաց. «չուանը տար և վերադարձիդ մի շալակ փայտ բեր, հաց պէտք է թխեմ»: Դու էլ, խան, առանց հարցափորձի, առանց քննութեան և դատաստանի, առանց ստուգիլ իմանալու թէ կո եմ այդ յանցաւորն, թէ ուրիշն է. անմիջապէս վճռեցիք, «Տարէք և շուտով կախեցէք»: Ահա այս պատճառաւ երկուսիդ խելքն էլ մէկ է:

Ոչ միայն աղատուում է Պուղին, այլ և մի ընտիր նժոյգ ձի նուէր սաանալով դառնում է տուն:

117.

— Պուղի, ես լսեցի որ քեզ տարել են կախելու, այժմ դու գալիս ես խանի ձիով:

— Պուղուն աղան, Պուղուն տէրն որ Մէլիք-Շահնազարն լինի, թէ կը կախեն և թէ կը խաչեն:

— Ագա, ինձ հաւան չե՞ս. խանն իմ խաթրիս համար է արձակել քեզ անզլաս և նժոյգ ձին էլ պարգևել:

— Մէլիք, քո արևդ վկայ, որ քո խաթրով չեմ ազատուել, այլ կնոջս յիմար խաթրով և իմ խելքով՝ ձին էլ ընծայ ստացել:

118.

— Ա դա Պուղի, ես այն ժամանակ կը հաւատամ, որ իմ խաթրով ազատուած չես, այլ քո խաթրով, եթէ գնաս Ղանլու-Չաման-խանին տանն հիւր լինես մի գիշեր և ողջ առողջ դառնաս. քեզ կընծայեմ երեսուն թուման փող և երկու ձեռք հագուստ:

Պուղին գնում է և հիւր լինում: Ղանլու-խանն սկսում է ծեծել իւր կիները, նախատել աղախինները և չուաններով կապուտել որդիքը: Պուղին ամենեւին ոչ խօսում է և ոչ խառնուում մարդասպան խանի գործողութեան: Յետոյ ազատում է խանն իւր որդիքը, և ընտիր ընթրիքով մեծարում իւր հիւրը:

— Պուղի, ես սպանած եմ իմ բոլոր հիւրերը այն պատճառաւ միայն, որ նոքա միշտ խառնուած են իմ ընտանեկան ներքին գործերին և միջամտած իմ տնային կարգադրութեանց, եւ որովհետև դու ոչ

խառնուեցիր և ոչ միջամտեցիր, ոչ միայն ողջ-առողջ ազատում եմ քեզ, այլ և տալիս եմ քեզ մի լաւ վկայական, որ դու քո մեծ խոհեմութեամբ դտել ես ինձանից մեծ ընդունելութիւն:

Պուղին վկայականը մատուցանում է Մէլիքին, բայց Մէլիքն ոչ խոստացած փողն է տալիս և ոչ շորը:

119.

Պուղին մի հնարքով փոխ է առնում Մէլիքից 35 թուման դրամ: Քանի անգամ որ պահանջում էր Մէլիքն փոխ տուած դրամը, պատասխանում էր Պուղին:

— Մէլիք, եթէ գնաս, Ղանլու-Չաման-խանին մի գիշեր հիւր լինես և ողջ-առողջ դառնաս, քեզ կը տամ 35 թուման փող և երեք ձեռք զգեստ:

120.

Սկզբունքով անհաստատ, բնաւորութեամբ փոփոխամիտ մի երիտասարդ, ազգասէր ձեւանալով, ճոռումաբանում է հասարակութեան մէջ թէ ես ազգասիրաբար ա-

րել եմ այս ինչ գործը և այն ինչ գործը: Ասում է Պուզին.

— Մակիչ (Մկրտիչ), ես քեզ Մէլիքին մօտ աղուես եմ տեսել. խանին մօտ՝ կասու, եասաուղներին (քաղաքական պաշտօնէից սպասաւոր) մօտ՝ մուկն, թուրքի մօտ՝ նապասակ, կնոջը մօտ՝ առիւծ, հասարակութեան մէջ վագր: Դու նման ես կորկօտ անող ջրաղացի. դու մեծ մեծ շարդող ազգասէր ձեւացողներից ես և ոչ թէ գործքով ապացուցանող ճշմարիտ ազգասէր:

121.

Մէլիքի հեռի ազգականներից մին շատ անգամ գնում է և մատնում Պարսից Շահերին և խաներին Արցախի հայ մէլիքները և հայ ժողովուրդը և քսութեամբ քանդում հարազատ մէլիքների սերտ յարաբերութիւնները և ամեն տեղ պարծենում է իբրև մէլիքազուն: Մի օր ասում է Պուզին.

— Զիււշիւտ-աղա, միայն հայերն չեն գիտում, որ դու մէլիքազուն ես, այլ և Շահերն, խաներն, պարսիկներն և վրացիներն էլ: Բայց սատանան էլ էր Ատաուծոյ

հրեցակն, Յուդան էլ Յիսուսի աւակերսն, Վասակն ու Մեհրուտանն Հայոց իշխաններ, Սուրմակն էլ Հայոց քահանայ: Մակայն լաւ մտածիր. ինչ օգուտ ունի քո իբրև մէլիքազուն պարծենալը, երբ քո գործած գործերն անպատարբե ես մէլիքների անուանց և պատուին, երբ քո հայ լինելը նախասխիւ է շայութեան, երբ քո Արցախեցի լինելը ամօքալի է Արցախին և քո մէլիքազուն լինելը բոլորովին զգուեյի Մէլիք-Շահնազարեանց օճաղին:

122.

Պուզու ներկայութեամբ մի երեխայ թախանձանօք խնդրում է իւր հօրից, որ վարժապետի ձեռնով իրան տար ուսում և կրթութիւն և դաստիարակութիւն: Ինչպէս շատ անգամ ասել էր, էլի ասում է— Որդիս, վարժապետին տալիք փողը կը տամ քեզ համար հագստի, վարժապետին տալիք փողով կառնեմ քեզ համար ձի. վարժապետին տուած փողն կորած է. փողը կը շահացնեմ քեզ համար, որ մեծանաս և ապ-

րես հարուստ: Երախան միջնորդ է ձգում Պուղուն, որ ասում է.

—Ուհան, որդիդ քեզանից խելօք է խօսում. թող կարգայ, դաստիարակուի, գիտութիւն սովորէ. որ խելքով, գիտութեամբ և իմաստութեամբ հարուստ լինի և ոչ թէ փողով: Շատ մարդիկ թողել են իւրեանց մահից յետոյ իւրեանց որդւոց համար հարստութիւն և կալուածք և ոչ թէ կրթութիւն և իմաստութիւն: Տգէտ որդիք վատնել են այդ ամենը և մնացել մերկ: Իսկ այն հայրերն, որ թողնում են ուսեալ, կրթեալ ազնիւ, գիտուն զաւակներ և ոչ թէ հարստութիւն, զաւակներն իւրեանց գիտութեամբ ապրում են փառաւոր և ձեռք բերում ամեն ինչ: Անասունի նման ապրող, անասունի նման մեծացող մարդն էլ անասունից էլ աւելի անասուն կը լինի: Մարդը մարդ շինողն դաստիարակութիւնն է և ուսումն:

Ուհանն այնքան ժլատ էր, մինչև անգամ Պուղու խօսքերը ընդունեց ինչպէս դայլի գլխի կարդացած շարական:

123.

Մի մարդ էլ որդին բերում է Պուղու մօտ, որ խրատէ, ասելով. — Այս որդիս ուսումնարան չէ գնում:

— Ի՞նչ է պատճառն որ չես գնում, այ տղայ:

— Պուղի ապեր, դալիսեմ տուն, հայրս է ծեծում, գնում եմ ուսումնարան, նոր եկած վարժապետն Քալախա է զարկում ոտքերիս, այնքան ծեծում, որ արիւնն սկըսում է վազել, շատ ծեծելուց մաշկուել են ոտքերիս տակի կաշիներն: Սորա համար չեմ ուզում գնալ:

— Երբ ոչ հայրդ քեզ ծեծէ և ոչ վարժապետն, կը գնաս կարգալ ուսումնարանում:

— Պուղի ապեր, շատ սիրով կը գնամ և ուրախութեամբ: Որովհետև այնքան ծեծում է, որ ամբողջ ուշք ու միտքս տանում են Քալախան և նրայան:

Պուղին տանում է ուսումնարան երախան և նորա հայրը և ասում նոր ուսուցչին.

—Վարժապետ, այսուհետև ամենևին
 և ամենևին չզարկես ոչ մի երեխայի. կայրես
 Ֆալախան և նրպասները. որովհետև անաս-
 նոց համար է ծեծն և ոչ մարդոց: Ուսումը,
 կրթութիւնը, դաստիարակութիւնը խօսքով
 է մատակարարում խոհեմ դաստիարակն
 և ոչ թէ փայտով: Այսչափս բաւական է առ-
 այժմ, վարժապետ. այլ ևս չծեծես հն, չծե-
 ծես: Չծեծես և դու որդիդ, Սեխ, դու էլ
 խելօք տղայ, բնաւ յետ չես մնալ ուսումնա-
 բանից: Պատասխանում է ուսուցիչն. — Մինչև
 որ աշակերտի ոտքերին վերայ 15 ճալախա
 չկոտրես և 300 հատ նրպաս, մարդ չդառ-
 նար աշակերտն: Իմ վարժապետն իմ վերայ
 30 ճալախա է կոտրատել, 1000 հատ էլ
 թրղի նրպաս: Այսու ամենայնիւ վարժա-
 պետն ոչ եթէ համոզմամբ, այլ Պուղու եր-
 կիւղից հեռացնում է ֆալախան էլ, ճը-
 պատներն էլ:

124.

Հետեւեալ տարում կրկին սարքում է
 վարժապետն ֆալախան և ճըպատները.
 ծեծուում է մի երախայ, որ հիւանդանում է

երկու ամիս, դանդառն հասնում է Մէլիքին
 և դատաստանն յանձնուում է Պուղուն:

Մէլիքարանի բակում նոյն ֆալախայով
 ամրապնդուում են նոյն վարժապետի ոտ-
 քերն, ֆալախայի երկու կողմից պինդ բըռ-
 նում են Մէլիքի ծառաներն և Պուղին սկը-
 սում թրղի ճըպատով դարկել վարժապետի
 ոտքերին: Վարժապետն, հարուածների սաստ-
 կութիւնից ստիպեալ, քանի անգամ որ ա-
 դաչում էր Պուղուն բաւ համարել, վերջաց-
 նել հարուածը, Պուղին ասում էր. «Մինչեւ
 որ վարժապետին ոտքերին վերայ 15 ճալա-
 խա չկոտրես և 300 թրղի նրպաս, վար-
 ժապետն վարժապետ չդառնար»: Մէլիքի
 միջնորդութեամբ արձակում է վարժապետը:

125.

Մի երիտասարդ կամենում էր վար-
 ղապետ լինիլ, խորհուրդ է հարցնում Պու-
 ղուց, որ ասում է. — Ա որդի, դու արդէն
 չափահաս ես, կարող ես որոշել քո վիճակը,
 գիտես քո կարողութիւնը և համբերու-
 թիւնը:

— նատ և շատ խնդրում եմ, որ մի բան ասես:

— «Ի՞նչ ասեմ, դու այժմ խելահաս ես, գիտես բարին և չարը, քո օգուտը և վնասը: Վարդապետութիւնն կատարեալ զինուորութիւն է. պէտք է բուռն զօրութեամբ պատերազմել անընդհատ մարմնոյ հետ, աշխարհիս ամեն բերմանց հետ և սատանայի հետ: Վարդապետութիւնն ամեն մարդոց գործ չէ, ամենադժուար գործ է: Արեայուրթիւնը վանկերում բաքմանով չեն ծախում եւ գիւղերում խփիլով: (Իստի՛ն երեք քառորդ ֆունտից աւելի է մի փոքր) վախում եմ, թէ մի հոգի ունիս, այն էլ տանես վանքում կորցնես, ծախես սատանին վերայ: Այնպէս է երևում, որ դու զղուել ես Պարսից և խաների անիրաւութիւններէ: Ա. դա, դու որ չես կարողանում կուռես մի թշնամու հետ և յաղթես նրան, վանքում ինչպէս կուռելու ես երեք թշնամու հետ: Իւզիր, սրբիք հրացանդ, շատացրու վառօդ գնդակդ և աշխարհի ցոյց տուր քո քաջութիւնը: Աւելի լաւ է գեղում մեռնիլ քաջութեամբ և Վարդանի նման բարի անուն թողնել, քան

թէ թշնամուց վախենալով փախչել և վանք մտնել: Պարսից և խաների զօրութիւնն արդէն տկարանալու վերայ է»: Ստում են աւանդութեամբ, որ այն երիտասարդն եղած է Սափարի-Իւզըաշին, որ 1826-ին արած է նշանաւոր քաջութիւն Աբաս-Միրզայի զօրաց դէմ:

126.

Պուզին Մէլիքից նամակ է տանում Շուշի Իբրահիմ-խանին, որի մօտ հաւաքուած պարսիկ հօգեւորականներն և բէկերն ասում են.

— Պուզի, ափսոս որ դու հայ ես. այդ պատուական գեղեցկութիւնն, բարձր հանճարն, լուսաւորեալ գաղափարն, վսեմ միտքըն, մշտապատրաստ սրախօսութիւն աւելի մահմետականի կը վայելէին քան քրիստոնէի: Շատ լաւ կանես, եթէ թուրքանաս. ամենքս քեզ կը տանք հարիւրական թուման փող. խանն էլ կը տայ կալուածներ և իւր աղջիկը, այնպէս որ ապագայում դու կը լինիս Վարաբաղիս թագաւորին երկրորդն և ուրիշ խօսքեր:

Կրօնը փոխելով մարդս կատարեալ չլինիր, մի կտոր մորթի մարմնից կտրելով և նետելով մարդ չարքանար-պատասխանում է Պուզին — մարդ պէտք է փոխէ սիրտը դէպի բարին և դէպի առաքինութիւնն. կրօնն պէտք է ազդէ սրտի և զգացմանց վերայ: Քրիստոնեաներից թուրքացածն ձեզ համար ոչ թրքութիւն կանէ, ոչ մահմետականութիւն և ոչ իսլամութիւն: Կրօնը փոխում են միայն անազնիւ, ընչասէր և ծոյլ և անպատիւ քրիստոնեաներն: Գող, աւազակ, մարդասպան և անազնիւ են թլփատուածներից ամենամեծ մասն:

— Պուզի, ասում է խանն, հաւատա, անկեղծ եմ ասում, աղջիկս քեզ կը տամ, եթէ թլփատուիս:

— Խան, եթէ այդ անեմ, թէ Քրիստոսի սրբայութիւնից կը զրկուիմ և թէ Մուհամատի դրախտիցն...:

127.

Պուզի, բն ասիլ չես, այսօր երեք մարդիկ եկին ինձ աեսութեան. մինն ասաց. «Ես թաղարեցի եմ, Ստամպուլից եմ գալիս»:

երկրորդն թէ «Շուշեցի եմ, Արաբստանից եմ գալիս», երրորդն թէ «ես Կուսապատցի եմ, Մոսկուայից եմ գալիս»: Ես մնացի բուրովլին զարմացած:

— Մէլէք, խէ զարմանում ես. աշխարհիս ամեն անկիւններումն էլ Ղարաբաղցիներ կան: Ղարաբաղցիք պանդխտութիւն սիրող են. թողած իւրեանց տուն, տեղ, երախայ, ընտանիք, թափառում են օտար և հեռի երկիրներում: Գոնէ յիշում են իւրեանց քաղցր վաթանք և յետ դառնում տարին մի անգամ՝ ծիծեռնակն, կուռնկն, արագիլն, տատրակն, բիւլբիւլն և միւս թռչուններն. բայց մեր Ղարաբաղցիք տարիներով էլ յետ չեն դառնում. այլ կարօտ իւրեանց վաթանին, պապենական հողին, ջրին, օրդոց և ընտանեաց, մեռնում են որն Անգղիայում, որն Փռանգոտանում, որն Չինաստանում, որն Ամերիկայում: Հնդկաստանում մի ձմերուկ են կտրել, մէջից մին Ղարաբաղցի է դուրս պրծել և այն տեղ կանգնել:

128.

Մէլիքն կարել է տալիս մի քանի մար-
դոց քիթը, չգիտեմ ինչ յանցանքի համար:
Քիթն կարուածնեքից մին լինում է Աւե-
տարանոցից՝ ձիթահանքի վարպետն, որի
կինն գալով ասում է.

—Ս. Պուղ, քեզ մատաղ, ուզում եմ
մարդիս քիթը տանեմ, բայց չեմ ճանաչում
թէ որն է, խնդրեմ գաս և ցոյց տաս ինձ
որ տանեմ:

—Ս. պել քունծահեր, դու, որ քսան
տարի գիշեր ցերեկ ապրել ես մարդիդ հետ,
չես ճանաչում մարդիդ քիթը, ես մի քանի
անգամ տեսներով ինչպէս կարող եմ ճա-
նաչել: Դէ գնա մին մին վեր առ, հոտ
քաշիր, ինչ քիթից ձիթահոտ գայ, քո մար-
դինն է, վեր առ և գնա:

129.

Մի մարդ չափազանց հայհոյիչ է լինում,
չատ անգամ էլ հայհոյում է յանիրաւի և
գուր տեղն: Շատ աշխատում է մէլիքն,
չատ ծնծում է, որ կարողանայ ուղղել, ան-
հնար է լինում, շատանում են և գանգա-

տաւորներն մարդի մասին: Ասում է Մէ-
լիքն.— Պուղի, եթէ կարողանաս ուղղել այս
մարդը, մին ձեռք շոր կը տամ: Մի օր էլ
երբ մարդն սկսում է հայհոյել մեռել, կեց-
դան, բերան, հոգի, հայր, մայր, կին, ևն,
վազում է բերում տանից մի չուալ, բաց
անում չուալի բերանը և իւր թէ չուալի
մէջ լցնում բոլոր հայհոյութիւնները, պինդ
կապում չուալի բերանը, շալակում տանում
հանդստարան, դարձնում հայհոյչի հօր տա-
պանաքարը, չուալը թափ տալիս գերեզմա-
նի վերայ, դարձեալ իւր տեղն դնում բարը:
Հայհոյիչն տեսներով այս ամենը, լալով գա-
լիս համբուրում է իւր հօր տապանաքարը
և թողում հայհոյութիւնը: Մէլիքն զարմա-
նալով Պուղու հնարքի վերայ՝ տալիս է խոս-
տացած շորը:

130.

Մէլիքին հիւր է գալիս էջմիածնի մի-
աբաններից մին: Այս ուսեալ և բարի վար-
դապետն խօսում է իմաստալից և խրատա-
կան քարոզներ. Պուղին ամեն օր եկեղեցի
գնալով, քարոզի ժամանակ, հաւաքում է

աջ ձեռնով խմաստները և դեղահատի նման բերանն ձգելով կուլ տալիս: Պուղու ականջին հարցնում է.— Այդ ինչ ես անում ա դա:

— Մէլիք, հայրսրբի խօսած խօսքերն կեանք են և կենդանութիւն, շունչ են և հոգի (ալմաս, մարջան, լալ ու ջաւահիր) հաւաքում եմ, ամբարում մտքիս մէջ, քանզի խօսքի սով տարում ամենակարեւոր են:

131.

Պարսկաստանից Մէլիքին հիւր եկած Շահադադի որդին հարցնում է.— Պուղի, հայերն ինչի համար չեն ուտում ուղտի միս:

— Շահադադ, թուրքերն (մահմետականներն) ինչի համար չեն ուտում խոզի միս:

— Ուղտն գնում է Հաջ, Մէզգէ, Մաշատ, Հաղրաթի-Աբաս, այդ պատճառաւ հալալ է նորա միսն: Իսկ խոզն չէ գնում ոչ մի տեղ, նորա համար էլ պիղծ է:

— Շահադադ, նախ այդ ասած ուխտատեղիներն գնում են ձիեր էլ, ջարիներ էլ, էջեր էլ. ինչ պատճառաւ հալալ չեն այդ անասնոց միսն: Երկրորդ՝ եթէ թողեն:

խոզն ոչ թէ մինչև Մաշատ, այլ մինչև աշխարհիս ծայրերն էլ կը գնայ և կը դայ: Ուրեմն պիղծ չէ:

132.

— Պուղի, հայերն ինչ փաստով չեն ընդունում մեր Մուհամաթի մարգարէութիւնը և Քրիստոսը դաւանում են Աստուած:

— Այն փաստով, որ ինչպէս ամեն օ. մարգարէներն, նոյնպէս և Քրիստոս, յարգելով խղճի և մտքի ազատութիւնը, քարոզած են ճշմարտութիւնը և թողած ընդունել և չընդունելը մարդոց ազատ կամաց: Բայց Մուհամաթն տարածել է իւր կրօնը զէնքի ուժով, խղճի և մտքի ազատութիւնը ճնշելով և մարդոց կամաց ազատ իրաւունքները բռնաբարելով: Նոյն իսկ ձեր մարգարէի վկայութեամբ արդէն յարութիւն առած է Քրիստոս և երկինք համարձած: Իսկ ձեր մարգարէն, ըստ որում մարդ էր միայն, մեռնելուց վերջն թաղուած և մնացած է գերեզմանումն: Ապա ուրեմն ձեր մարգարէն իբրև մարդ Քրիստոսի դատաստանի տակն է: Իսկ Քրիստոս սրովհետև

աստուածամարդ էր, փառաւոր յարեաւ և երկինք դնայ, այս պատճառաւ դաւանում ենք Աստուած, որ իւր աստուածային զօրութեամբ բժշկեց ի ծնէ կոյրը, 28 ամեայ անգամալոյծը և յարոյց շատ մեռեալներ:

133.

— Պուղի, զօրաւոր փաստեր մէջ բերելով փիլիսոփայօրէն հաստատեցիր ասածներդ: Ես զարմանում եմ թէ ո՞վ խենդ գրած է քո անունը:

— Խենդերին խենդն անուանած է զիս խենդ:

134.

Պուղին խնդրում է Շահգաղայից, որ չափաւորէ Իբրահիմ-խանի բռնութիւնները, յուզուծիւն ածէ կամայականութիւնը, վերջ դնէ նորա անիրաւ մարդասպանութեան և թեթեացնէ ժողովրդեան հարկերը և այցելէ միւս մէլիքներին ևս: Խօստանում է Շահգաղան կատարել խնդիրը: Բայց բարկանում է Մէլիքն Պուղու վերայ, որ իւր բարեկամ խանի մասին գանդաւեց և

թշնամի մէլիքներին ևս այցելել խնդրեց Շահգաղային: Պատասխանում է Պուղին:

— Մէլիք, ի՛նչի չես ուրախանում, որ Հայոց ազգի խելօքների ձեռնով քանդուած գործերն վերաշինուում են մի խենդի ձեռնով, իւր իսկ Պուղու ձեռնով:

135.

Մէլիքն, Պուղու այս խօսքերից սաստիկ վիրաւորուելով, ներս է կանչում ծառաները և դահիճը, որ Պուղու քիթը ևս կարէ: Պուղին ասում է ծառաներին և դահիճին.

— Մի փոքր սպասեցէք, խօսելիք ունիմ. ապա խօսքը դարձնելով Մէլիքին, ասում է. Այնպէս երևում է, որ չափազանց բարկացած ես իմ վերայ: Այսչափ տարի է որ ես վերջին ծայր հաւատարմութեամբ ծառայում եմ քեզ: Ամեն պարագայի մէջ, ամեն ժամանակ, ամեն կերպ պաշտպանել եմ քո պատիւը, անունը և միշտ բարձրացրել: Գու, Մէլիք, փոխանակ ուրախանալու որ ես ուզում եմ քո սխալները, դու՛ մոռանալով իմ ամենամեծ և ամենադժուար ծառայութիւնները, կտրել ես արիս քիթս, և այս

վնչ յանցանքի համար, — միայն երկու խօս-
 քի՛ցս նեղանալու պատճառաւ: Մէլիք, դու
 այնքան չարութիւն ես արել Հայոց ազգին
 և Ղարաբաղի հայոց դէմ, ճըռ Փանահ-խանը
 իբրև հարազատ խան ընդունելով և հակա-
 ոակ հարազատ մէլիքների կամքին այն ճըռը
 Շուշում-Ղարաբաղի սրտում-բնակեցնելով
 և անհամար չարեաց պատճառ դառնալով,
 որ աններելի են քո յանցանքներն: Եթէ ես
 չլինէի, հարազատ մէլիքներն քո այդքան
 յանցանքի համար քո քիթդ էլ կտրած
 կլինէին, կծիպդ էլ մանաւանդ Իիդակի
 Մէլիք-Եսային, որի քոյրը անպատիւ կերպիւ
 արձակեցիր տիկնութիւնից և նորա աղջիկը-
 հայ քրիստոնեայ Հիւրդատը-տուիր կնու-
 թեան անօրէն թուրք ճըռ-խանին, և թուրք
 կիներով լցրիր ապարանդ: Դէ ուրեմն եկէք
 և կտրեցէք և իմ քիթը... Հեռանում են
 դահիճն և ծառաներն:

136.

Մէլիքի համար բերում են օղի և վա-
 րունկ, ուտելու ժամանակ Պուզին վեր է
 առնում աղամանից մին քիչ աղ և ցանում

Մէլիքի անմաղ (թափուած) գլխին:
 — Ա՛դա, ա՛ պել շան տղայ, այդ ի՛նչ
 ես անում:

— Մէլիք, Պըլը-Պուզին քեզ մատաղ,
 խելքդ անալի է, անհամել է, աղում եմ,
 որ համովանայ:

137.

Գալիս են Մէլիքին այցելութեան մի
 զարդարուած քահանայ և մի վարժապետ:
 Երկուսի հեռանալուց յետոյ հարցնում է
 Մէլիքն.

— Պուզի, սա ճարտար գիւղի քահա-
 նան էր. կարդալում ինչպէս է:

— Մէլիքն ապրած կենայ, եթէ 15
 ձկնոս ուռկանները (ձուկ բռնելու թոր)
 գցելու լինին քահանային փորն, Պետրոս
 առաքեալն էլ դայ և ասէ, ուռկանները
 գցեցէք փորին աջ կողմն և խառնեցէք.
 դարձեալ այբի կտոր չգտնուիլ նորա փո-
 րումն:

— Վարժապետն ինչպէս է:

— Սանահնու վանքումն է աւարտել իւր
 ուսումը. Սևանայ ծովին նման է, եթէ մի

կողմից խոր խրամ բանաս, Երևան քաղաքը ջրհեղեղ անելով կը կործանէ. խելքի ծով է վարժապետան:

138.

Շուշում տեսնում են մի աստիճանաւոր թուրք, որ շքանշան կախած ճեմում է Մէլիքն ասում է.

— Ադա Պուզի, այս մարդն շատ հարուստ կը լինի:

— Մէլիք, քո ազիզ արևն վկայ, ի է որ վեր առնես քո թաւար զուշը (շահէն) բերես սորան գրպանների մէջ ձգես որսի բարակ շուները և հրամայես, բարակ գաէք, բարակ գաէք, դարձեալ մի սև փող չեն կարող գանել սորա գրպաններում, անկուտի է:

139.

Մի քահանայ նեղացած սրտով գանգատում է Մէլիքին՝ ասելով, — մի դործով գնացել էի Գանձակ, քաղաքումն մնացի երկու ամիս, քահանայք չպատուեցին զիս գէթ մի պատարագ անել տալով: Մէլիքն,

որովհետև մտադրութիւնն ուրիշ բանի վերայ է լինում, խօսք է որոնում պատասխանելու, օգնութեան է հասնում Պուզին.

— Ա. Տէր, դուք քահանաներդ Շուշի քաղաքս եկող օտար քաղաքացի հայ քահանաները պատուում էք պատարագ տալով:

— Չէ, տալիս չենք, Պուզի:

— Ուրեմն դուք ինչպէս անում էք ուրիշներին, նոյնպէս անում են ձեզ և ուրիշներն: Ուրեմն ինչ իրաւունքով էք նեղանում և ինչ իրաւունքով դանգատուած:

140.

Խանի զուարճաբանն թուրք կարդացողներին հետ դիմաւորում է ի պատիւ Մէլիքին: Նոյն միջոցին շուներն հալածում էին մի ոչխար և շարչարում: Խանի զուարճաբանն ասում է ծիծաղադէմ.....:

141.

— Պուզի, Մէլիքը շատ ես սիրում թէ մէլիքակլինը:

— Խան, մարդ կայ, որ շատ է սիրում խանը, մարդ էլ կայ՝ որ սիրում խանի կլինը:

142.

— Ի՞նչպէս է իմ զուարճաբանն, հաւանում ես:

— Արժանաւոր է ձեր անուան և պատուին. մի փոքր առաջ արդէն ցոյց տուաւ իւր շնորհքը ոչխարի և շուների սրախօտութեամբ: Սափրիչի (դալլաք) նոր սովորող աշակերտի է նմանում, որ ածիլելու ժամանակ կտրում է գլուխ 48 տեղից և փակցնում բամբակ:

143.

— Պուղի, քեզ տամ, տար և երկու տարում լաւ զուարճաբան վարպետ շինիր և ինձ բեր:

— Խան, ինձ տուր մի արջի ձագ, երեք օրում լաւ կարգաւ սովորեցնեմ և բերեմ. այնպէս որ դուք ինձանից աւելի լաւ հաւանէք: Բայց քս զուարճաբանը եթէ 40 տարի անգամ պահելու լինիմ, դարձեալ ոչինչ չեմ կարող ուսուցանել և ամօթալի պիտի մնամ քեզ մօտ:

144.

Խանն, որ անհնարին էր համարում Պուղու խոստման կատարումը և յարմար ժամանակ խիտտ պատժելու, իսկոյն հրամայում է տալ մի արջի քոթեթ: Պուղին տանում է արջի ձագը և մի օր մինչև երեկոյ ուտացնում չամիչ. հետևեալ օր դնում է մի թուրքերէն քերական, ամեն թերթի մէջ դնում մի մի չամիչ, դարձնելով թերթերը՝ ուտացնում չամիչը և քանիցս կրկնում վարժութիւնը: Երբ տեսնում է որ դադանն ընտելացաւ, մի անգամ էլ առանց չամիչ քերականը դնում է իւր աշակերտի առաջ. որի մէջ չամիչ չգտնելով՝ սկսում է մրթմրթալով թերթել եղնգներով ամբողջ գիրքը: Երրորդ առաւօտեան մի անգամ ևս չամիչ դնելով վարժեցնում է, ապա տանում է խանի մօտ, ուր հաւարուած են լինում և շատ թուրք կարգացողներ և բէկէր, կանգնեցնում է ետևի երկու ոտի վերայ, զետեղում քերականը առաջի թաթում: Չափն սկսում է մրթմրթալով դարձնել թղթերը և չամիչ չգտնելու պատճառաւ աւելի պնդածենել մինչև վերջին թերթը

դարձնելն: Վերջն բերում է իւր աշակերտը
և համբուրել տալիս խանի ձեռնը: Խանն,
բոլորովին զարմացած կոչում է. — Կեցցէ՛
Պուղին, կեցցէ՛ Պուղին: Սոյն գովեստը
կրկնում են և ամեն ներկայ եղողներն և
Մէլիքն: Պուղին ստանում է խանից մի ըն-
ծայ:

145.

Մի անգամ Մէլիքն Պուղուն հետ
գնում է Ամարասի դաշտն այժմն (Ղէյրան)
որսալու. Մէլիքն, յօգնածութիւնից և ծա-
րաւութիւնից նեղուած, ասում է.

— Պուղի, այս տեղերքում ջուր կը գըտ-
նուի՝ արդեօք:

— Մէլիք, մի ջրհոր կայ մօտ տեղումս:
Ջուրը խմելուց յետոյ Մէլիքն ջրհորին
մէջ թքելով ասում է, թիւհ մէջդ. աւելի
լաւ կը լինէր որ չորանայիր:

— Մէլիք, Մէլիք, ինչի համար թքեցիր
այս հորին մէջ. աշխարհ է, մի օր էլ հար-
կաւոր կը գայ:

Երկու տարուց յետոյ կրկին որսի են
գնում նոյն տեղն, դարձեալ սաստիկ ծա-

րաւած լինելով խմում է ախորժանօք նոյն
ջրից Մէլիքն և կոչում. — Ադա, Պուղի, ինչ
ցուրտ և համեղ ջուր է. Աստուած օղորմի
այս ջրհորը քանդողին (փորողին) հօրն:

— Մէլիքն ապրած կենայ, այս միւսնայն
ջրհորն է, որի մէջ երկու տարի առաջ թքե-
ցիր:

Մէլիքն զգում է իւր սխալը, բայց ընաւ
չէ խօսում:

146.

Մի գիւղացի գժնիկ (ցաք) ծախող
մարդ ամեն անգամ Պուղին տեսած ժա-
մանակ, գոչում է.

— Ա՛խ Ադամ, ան Ադամ:

— Խաչի (Խաչատուր), Ադամն ինչ է ա-
րել քեզ:

— Պուղի, քեզ մատաղ, թէ որ Ադամ
խաբուած, պտուղը կերած չլինէր, մենք
չէինք քաշիլ այսպիսի չարչարանքներ:

Պուղին տանում է այդ մարդը, հագ-
ցնում գեղեցիկ հագուստները, նոյնպէս և
նորա կնոջ, դնում Մէլիքի այգում և տա-
լիս այս պատուէրը.

— Բաղեցէք և կերէք այս բոլոր ծառերի պտուղները և վայելեցէք այս բուրաստանի անուշահոտ ծառիկները. բայց ամենեի՛ն և ամենեի՛ն չմտենաք այս բերանը պինդ փակած կաթսային (մեծ դաշան). ամենեի՛ն և ամենեի՛ն չբանաք նորա փակ բերանը: Եթէ սխալուէք, բերանը բանաք, այն իսկ օրում կը հանեմ ձեր նոր հագուստները և դարձեալ կը հագցնեմ ձեզ ձեր հնօրինները և դուրս կանեմ ձեզ: Մէլիքն էլ խնդրել եմ, որ ամեն օր տալու է ձեր ուտելիքը, խմելիքը և հագնելիքը: Կրկին ասում եմ ձեզ հա՛, ինչ ժամում որ մօտացել էք կաթսային և բացել նորա բերանի փակը, իսկոյն դուրս եմ անելու ձեզ ձեր հին հագուստներով:

Հազիւ թէ Մէլիքի դրախտանման այգում երեք օր մնում է Խաչին, կինն սաստիկ նեղում է զինքը ասելով. «Ա մարդ, այն զազանն լիքը ոսկի պէտք է լինի, մի վախիլ, գնանք, դուրս հանենք ոսկիները և հարստանանք, ո՞վ իմանալու է այս գիշերուայ կիսումն: Դէ՛, վեր կաց գնանք»:

Վերջապէս մարդն, շատ դիմադրելուց

յետոյ, գնում և բանում են կաթսայի փակը, միջից դուրս է ելնում և փախչում մի մուկն: Տեսնելով արթուն պահապաններն եղածը, իսկոյն յայտնում են Պուղուն, որ գալիս է այգին և ասում.

— Խաչի, ի՞նչի համար բացիր կաթսայի փակը, չէ որ ասացի քեզ ամենեի՛ն և ամենեի՛ն չբանալ:

— Պուղի, քեզ մատաղ, կինս ինձ խաբեց:

— Աղամին էլ լսաբեց իւր Եւա կինն: Դէ հանի շորերդ, գեց (արմատ զգենուլ բայի) քո հնօրի զգեստդ և գնա՛ դարձեալ շալակովդ կրէ փայտ և ցաք: Եւ այսուհետև այլևս չասես «ա՛խ Աղամ, ա՛խ Աղամ»:

147.

Հնդկաստանից մի խորամանկ մարդ գալով հիւր է լինում Մէլիքին և այնչափ դուրում Հնդկաստանի խաւս քարեղէններէ և խաւս (անկեղծ, իսկական) ակնեղէնների չափազանց աժան լինելը, մինչև անդամ յաջորում է 1000 թուման (1200) լուրջի առնել Մէլիքից խաբէութեամբ և հեռանալ

Աւետարանացից, խոստանում է Հնդկաստան հասածին պէս, անմիջապէս ուղարկել Մէլէրին 1000 թումանի արժողութեամբ աղաձանդ, յակիւք, զմրուխս և ուրիշ թանկագին և պատուական աղուներներ։

Մէլէրն հրամայում է Պուզուն, որ Վարանդայ դուռուի ամբողջ յիմար և խենդ մարդոց անուանց ցուցակը գրէ և ներկայացնէ իրան։ Մէլէր-Շահնազարն, երբ ստանում է խենդերի և յիմարների ցուցակը, անհնում է որ իւր անունն գրուած է ցուցակի սկզբի տողում, գոչում է զայրացած (կըզնուած)։

— Ա շան տղայ Պուզի, ես խենդ եմ, որ իմ անունը գրել ես յիմարների և խենդերի շարքում և այն թղթի ճակատի առաջին տողում։

— Նորա համար եմ ճակատին դրել, Մէլեր, քեզանից աւելի յիմար և աւելի խենդ մարդ չկայ Վարանդայ դուռուում։

— Ա դա ի՞նչ և ի՞նչ պատճառաւ։

— Այն պատճառաւ, Մէլեր, որ դու 1000 թուման փող տուիր այն անձանց թ և անձանաչ Հնդկաստանցուն։

— Ադա, կարելի է առնում է քարերը և յղում։

— Մէլեր, երբ յղէ քարերը, այն ժամանակ կը ջնջեմ քո պատուական անունը յիմարների և խենդերի շարքից և կը գրեմ Հնդկաստանցու անունը։ (Կամենում է ասել նա քեզանից աւելի յիմար և խենդ լինելու է, որ իւր կողսպտած դրամները ակնեղէնների տալով. յղէ քեզ. յոյսդ կտրիր)։

148.

Պուզու մեծ որդին, մղուած երիտասարդական բուռն եռանդից, մտնում է մի բարձր և ամուր քարայրի մէջ ճգնելու։ Երբ բոլորովին սպառուում է տանից տարած պաշարն, սկսում է գողանալ կովերի հորթեր և ուտել, նոյնպէս և գողանում է անդերում փարած հեղի խաշխաշ, բակլայ, սիսեռ, ոլոռն և ծառոց պտուղներ։ Մի օր յայտնուում են սորա գողութիւններն և բնակարան քարայրն։ Քարայրի առաջ կանգնում է Պուզին և իւր որդու անունը տալով կանչում։

— Իխիս, Իխիս (Աւետիս)։

Ահարկու ձայնով և պատկառելի եղանակաւ պատասխանում է քարայրի խորքից իւր որդին.

— Ո՞վ ես դու, պիղծ հողեղէն, որ համարձակիս մերձենալ ի քարայրն իմ սուրբ. ի բաց հեռացիր այտի, ապա թէ ոչ, նետք Աստուծոյ և հրեղէն սուրբ Հրեշտակաց Նորին ի վայր կործանեացեն զքեզ ի քթթել ականաւ:

— Ա. շան տղայ, դու երբ հրեղէն դարձար, եթէ մարդ 2 ամսում հրեղէն դառնար, ես այժմ աստուած դարձած կը լինէի: Ինչքան ճգնաւորութիւն արիւր, բաւական է. երեսդ պարզ, վարձքդ կասար, ամագդ (վաստակ) երուսաղէմ, Հիզդի-Պուզդի ճգնաւորին օրհնութիւնն քեզ վերայ լինի: Դէ վար իջիր այդ տեղից: Աւետարանոցում էլ հորթ չես թողել, խոզի կեօծի չես թողել, էլ խաշխաշ, բակլայ, սիսեռ, ոլոռն չես թողել. բոլորն էլ դողացել և կերել ես, որոց տէրերն ամեն օր բողոքում են Մէլիքին, այնքան շատացել են գանդատաւորներն, որք գնալով և գալով մաշել են Մէլիքարանի դռնակը: Որդին առած գառնում է տուն Պուզին:

Մի ծերունի մարդ հրաւիրուած էր Մէլիքարան, որ բարեկենդանի խնճոյքում խմում էր իւր կարողութիւնից աւելի: Պուզին ասում է.

— Ապեր, գինին ծերոց գաւազան է, խմիր, քեզ մատաղ, խմիր, տեսնենք վերջն ինչպէս կը լինի, բանն խմին չէ, քաջութիւնն՝ պահելն է:

Խնճոյքից դուրս է գալիս ծերունին և դէս ու դէն ծռուելով ուղղում իւր դողդոջուն քայլերը դէպի տուն, բայց ծռուելով ընկնում է Մէլիքի ջրաւազանի մէջ:

— Ապեր, գինին ծերոց աւազան է, լող տո՛ւր, լող տո՛ւր— ասում է Պուզին, որ խեղդեցայ տեղն:

Ծերունին հանում են ջրից և կանգնեցնում մի քարի վերայ, որ ցամաքէին հագուստն. օգնողներն չկարողանալով պահել պպղացնում են քարին վերայ:

— Ապեր, գինին ծերոց պպղան է, պպղի, պպղի, որ մի փոքր հանգստանաս— կոչում է, զուարճարանն:

Խեղճ ծերունին թափում է կերած և խմածը յաճախակի որձկալուփ։ Պուզին կոչում է.

— Ապեր, գինին ծերոց վզվզան է, թափիր, քեզ մատաղ, թափիր, որ սիրադ հանդստանայ։

150.

Մէլիքն առանց Պուզու գիտութեան մի արբեցող աղքատ կարծուած մարդի տալիս է ողորմութիւն։ Արբեցողն Մէլիքի շնորհած դրամով դնում է օղի և չափազանց խմելով արբում։ Արբածն ջախջախում է մի մարդոց գլուխը, միւսին բազուկը, մի ուրիշին մատները և ձեռքի դաստակը և իւր տունն զնալով՝ ճղում է իւր կնոջ գլուխը։ Ողջ վիրաւորուածներն դիմում են Մէլիքին և դանդաղաբար Պուզին ասում է.

— Աղայ, այսօր մի պատարագ ես անել տուել, այն արբեցող մարդին ողորմութիւն տալով, մի պատարագ ես անել տուել քո հօր հօգուն համար, որ մինչև դատաստանի օրն բաւական է ձեր եօթն մասն ննջեցելոց։

151.

— Աղա, ես ինչ չարութիւն եմ արել, ողորմութիւն եմ տուել, միթէ մեզք է ողորմութիւն տալն։

— Ողորմութիւն էլ կայ, ողորմութիւն էլ։ Ողորմութիւնը երբ տաս արժանաւոր տեղին, վարձք է, իսկ երբ տաս անարժան տեղին, մեզք է։

Ողորմութեան և գթութեան արժանի են կոյրերն, անդամալոյծներն, երկու ոտքով վտանգաւոր կաղերն, անտէր հիւանդներն, ձեռներն զօսացածներն, աղքատ ուսանողներն, առաքինի աղփասներն և սոցանմաններն։

Ողորմութեան և գթութեան անարժան են աչքերն, ոտքերն և ձեռներն առողջներն, աշխատելու կարողութիւն ունեցողներն, ծոյլերն, արբեցողներն, աղքատ ձեացող խաբէրայ մուրացկաններն, և առհասարակ այն մարդիկն, որ իւրեանց ձեռքն ընկած փողերը փոխանակ իւրեանց երախայոց և ընտանեաց հետ վայելելու, վատնում են անվսյել ճանապարհաւ։ Այսօրուան քո տուած

ողորմութեան վարձքն եղան, Մէլիք, ջարդուած գլուխներն, կտարուած ձեռքերն, անտեղի հայհոյութիւններն, և զուր անղից գոյացած զանգատներն և արբածի խելքի կորուստն:

152.

Մի աղքատ ողորմութիւն էր խնդրում Մէլիքից:

— Աղա, սա արժանի է ողորմութեան, տուր, ասում է Պուղին:

Նոյն օրում մի ուրիշ աղքատ ևս աղի- ողորմ ձայնով ողորմութիւն էր խնդրում: Գութն շարժուած Մէլիքն այն ինչ ուզում էր սովորականից աւելի տալ, ասում է Պուղին. — Մի փոքր համբերեցէք, Մէլիք. ապա հարցնում է.

— Մուրացկան եղբայր, այս մի թուման փողը տալու եմ քեզ. բայց ես թովմայ առաքեալի ազգականներիցն եմ, հաւատքս պակասել է, քեզ վերայ նայելու եմ:

— Ես խեղճ, ողորմելի մարդ եմ, անտէր, անտէրունջ մուրացկան եմ. յո՛ւստ կեղնի իմ փող:

Արձակում է մուրացկանի գօտին, երևում է մի կամար լի սկիւզ: Թէև շատ դիմադրում է մուրացկանն որ չբացուի կամարն, սակայն Պուղին բանալով թափում է 100 հոլանդիոյ սկի (ըստ ասութեան ումանց), որը բաժանում է մի մասը եկեղեցուն, մի մասը Ալեոնդեանց անապատի աղքատ միաբաններին և մնացածը գիւղի աղքատներին:

153.

Աղա Պուղի, Դիզափայտ վկայ, որ վերջապէս դու Սողոմոն իմաստունն ես դառնալու: Աղա, դու մարգարէ էիր, ուսմզմբ էիր, սատանայ էիր. ինչից իմացար որ դա փող ունի:

Մէլիք, երկու չուալ ցօրեն տուր, ես քեզ կը սովորեցնեմ իմանալու գաղսնիք:

— Երեք չուալ ցօրեն տուի, տուի հաստատ խօսք:

— Մէլիք, երբ տեսնում ես աղքատը նուրբ զգուշութեամբ դիտիր նորա դէմքը. եթէ կարմրոսած լինին մէկի աչքերն, փոքր ինչ ծռուած երեսն և դողդողուն և ձեռներն և նշմարելի կերպիւ գլուխն. հաստատ

իմացած լինես որ նա արբեցող է, ողորմութիւն չտաս:

Երբ տեսնելու լինիս որևէ մուրացկան, եթէ ուրախ է դէմքն, կարգին սարգին կանգնած մաղերն, հաստատ իմացած լինես որ նա աղքատ չէ, փող ունի. որովհետև սրտի հայելին է դէմքն, փող ունեցողի սիրտն անկարելի է որ ախուր լինի, որքան էլ մարդ ջանայ լեզուաւ սրողել դէմքը որ երևի աղքատ, խղճալի, ողորմելի, այսու ամենայնիւ *urshi nurajunirpigin* կը նշմարուի նորա դէմքի վերայ:

Իսկ երբ տեսնելու լինիս որևէ մարդի երեսն *srsnum, sjunur*, մաղերն *fnamnamad*, ցից ցից անկուած, երկու ամսով անձրևի երես չտեսած սխտորաթերի նման թոռումած, աչքերն աղեքսալի, հաստատ գիացիր որ նա ողորմութեան արժանի աղքատ է: Մանաւանդ զաւակաց հայր աղքատին կամենաս հագցնել ամենաթանկագին զգեստ, դարձեալ կերևի նորա երեսի և դէմքի և աչքերի վերայ տխրութեան և տրտմութեան նշան. վասն զի սոված են նորա զաւակներն — հողուն կէսն և սրտի առարկան:

154.

Մի աշուղ ասում է. — Պուղի, կոտորուել էին սաղիս բոլոր սիմերն (լարերն), սիմ չճարուեց, ճանապարհի վերայ տեսայ մի մեռած մարդ, հանեցի աղիքները, շինեցի լար և քաշեցի սաղիս վերայ: Այժմ ինչքան աշխատում եմ ուրիշ եղանակ ածել, բոլորովին անկարելի է լինում. միշտ ածում է այս եղանակը — «Տնւր ինձ, տնւր ինձ, տնւր ինձ»:

— Հասկացայ, աշուղ եղբայր, այդ մեռածն կամ դաւրիշ եղած է, կամ խաբեբայ աղքատ. կամ չի նկեանայ և կամ դուրսողի: Միշտ ուղած սովոր:

155.

Իմ սաղին սիմերն էլ էր կոտորուել — ասում է աշուղի միւս ընկերն — ես էլ մին անմօրուր մեռածի աղիքներից լար շինեցի: Այժմ ինչ եղանակ որ կամենում եմ ածել, միշտ հնչում է. «Իէ առ, դէ առ, դէ առ. Բե մեռնիմ, Պուղի, բա այս ինչ եղած է:

— Ուստա, այդ մեռածն էլ եղել է հար-

կատու. երբ պահանջել է Շահն գլխահարկ ոսկի, փողը տալով ասել է. «Ռէ առ», Մէլիքն պահանջել է իւր իրաւունքը, ասել է. «Ռէ առ», կաթուղիկոսի գործակալն՝ «գէ առ», քահանայ, սափրիչ, աղքատ, եասաւուլ, տանուտէր, գզիր, ևն, ևն, ասել է ամենին էլ տալով՝ «գէ առ»:

156.

Մէլիքն տեսնում է Աւարասի վանքում մի կոյր, որ միշտ դանդատում էր. «Իմ բաժինն շատ քիչ է, չեմ կշտանում»: Մի կիւրակէ օր կաթուղիկոսն մի ամբողջ գառն կարմրացնել է տալիս փռան մէջ և մեծարել տալիս կոյրին, որ երկու ձեռքով շօշափելուց յետոյ կոչում է զարմացմամբ.

— Պահո՞՞, երբ այսքանը բերել են մինակ ինձ համար, արդեօք իրանք սրբան կերած կը լինեն: Քանի գառը մորթած են, որ ինձ հասած է մի ամբողջ գառն:

157.

Ամեն անդամներով կատարեալ անթերի, պնդակազմ, ուժեղ, բարձրահասակ և

յաղթանդամ մի մուրացկան սրտաչարժ խօսքերով ողորմութիւն է խնդրում Պուղուց, որ պատասխանում է.

— Եղբայր, սարդ սաղ, ձեռներդ սաղ, աչքերդ սաղ (առողջ). առիւծի նման տղամարդ ես: Ես քեզ տեղ ամաչում եմ: Դու, քո այդ ծուլութեամբդ կողոպտում և գողանում ես ճշմարիտ աղքատների բաժինը, այն, արդար բաժինը յափշտակում ես անասելի անիրաւութեամբ: Գնն, այսուհետև լաւ աշխատիր, դու էլ կեք քո արդար վաստակը, իսկական աղքատներն էլ, քո գերդաստանն էլ, երկնքի թռչունն էլ, գետնի մըջիւնն էլ: Ա՛յ կարողութիւն ունի աշխատելու, չէ աշխատում, սարսափելի մեղք է գործում: Չաշխատողն հաց էլ պիտի չուտէ: Պուղին Մէլիքի հրամանաւ իսկոյն հեռացնել է տալիս կեղծ աղքատը իւր գեղից էլ, ամբողջ Վարանդայից էլ:

158.

Մի անգամ Մէլիքն համբրում է դրամ և զատ զատ գտտաւորում ոսկին առանձին, արծաթն առանձին և պղինձն առանձին:

Պուղին իսկոյն առնում է երկու բուռը ոսկի
և կանգնում իւր սովորական տեղում: Առ-
շում է Մէլիքն.

— Ագա, պէլ ես թէ գիժ:

— Մէլիք, եթէ պել չեմ, ինչ պատճա-
ռաւ «Պըլը-Պուղի» ես դրել իմ անունը:
Հարկաւ խենդն անում է իւր խենդու-
թիւնը:

— Ագա, ա պըլկատար, բեր փողերը,
չուտ արն, մարդ կը գայ, բեր որ վերջաց-
նենք հաշիւը:

— Ագա, վատացել է ժամանակն, յափշ-
տակում են միմեանցից, գողանում և տա-
նում ուտում: Դէ, դու էլ այնպէս համա-
րիր, որ գողացել են փողերդ և տարել:

— Ա, շան տղայ, օրը կէսօրին գողու-
թիւն կը լինի Մէլիքարանում:

— Մէլիք, քո ազիզ արևն վկայ, մեծ
մեծ գողութիւններն, պատուաւոր յափշտա-
կութիւններն միշտ տեղի են ունենում պէ-
սօրին թագաւորների և շահերի, սուլթան-
ների և խաների, մէլիքների և իշխանների
պալատներում և ապարանքներում:

Մէլիքն այլ ևս չէ խօսում...

Մէլիքն ունենում է մի շատ գեղեցիկ,
բայց վերին աստիճան ծոյլ աղջիկ, որի պատ-
ճառաւ էլ տան մնացած:

— Մէլիք, Փարզատ աղջիկդ խնդրում
եմ իմ որդի Իխտին համար, կը տոնս, ա-
սում է Պուղին:

— Ագա տուի, Աստուած շնորհաւոր
անէ. բայց արդէն գիտես որ չափազանց
ծոյլ է, որ տասն օր հաց չտաս, սոված կը
մնայ, վեր չկենալ, որ հաց առնէ և ուտէ:

— Մէլիք, ապահով եղիր, ես գիտեմ
քաջարի (քէօհլան) անելու, այնպէս անեմ,
որ այծեամի պէս ժիր լինի:

Առօք փառօք պտակում են Փարզատը¹⁾
և բերում տուն նոր հարսը: 2 օր հարսին
բնաւ կերակուր չեն տալիս Պուղու հրամա-
նաւ, որովհետեւ քանի անգամ որ ճաշի են
հրաւիրում, նա ծուլութեան պատճառաւ
միշտ մնում էր նստած: Երրորդ օրում կե-
րակրի ամանը հրամայում է դնել հարսից

1) Առաջի տպագրութեան մէջ սխալմամբ
Հիւրդատ եղած է:

փոքր ինչ հեռի. սաստիկ անօթութիւնից ստիպեալ հարսն սողալով մօտենում է ամանին և ուտում կերակուրը: Այսպէս հետզհետէ կերակուրը հարսից աստիճանաբար աւելի հեռացնելով, հարսն օրըստօրէ սովորում է վեր կենալ տեղից, շարժուել և հաց ուտել իւր սկարի հետ: Պուղին բրդի սատերը հարսին տալով պատուիրում է.

— Հարս, մինչև իմ դառնալս պէտք է կծկես, եթէ դամ տեսնեմ որ չես կծկել, կը հրամայեմ հաց չտալ:

Վերջապէս հարսն տեսնելով որ անգործ նստելով թէ անօթի, ծարաւ և անպատիւ մնալու է և թէ օր աւուր նուազուելով ընկնելու է ուժից և երեսից, օրէցօր ընտելանում է աշխատութեան և այսպիսի վարժութեամբ լինում է տան տիկին:

160.

Մի քանի ամսից յետոյ Մէլքըն գալիս է տեսնել իւր ազլիկը: Փարզատն բըրդաթելի կծիկները բերում է և տալի իւր հօր:

Մէլքըն հարցնում է զարմացմամբ.

— Փարզատ, այս կծիկները ինչի բերիլ և ինձ տուիր:

— Բերել եմ որ կծկես:

— Ազլիկ, խէ:

— Այս տեղի սովորութիւնն մեր տան սովորութեան պէս չէ. քանզի մեր տան թէ աշխատես և թէ չաշխատես, կերակուր կուտես, բայց այս տեղ եթէ չաշխատես, սոված կը մեռնիս: Նորա համար եմ բերել կծիկները որ զիրաւ¹⁾ տաս, որպէս զի հաց տան որ ուտես: Այս տեղ հաց չեն տալիս պարապ նստողին:

161.

Մօտենում է Մէլքընի մահն. վերջին անգամ մտնում է անկողին, որից ուղղակի իջնում է նա գերեզման²⁾: Վերին աստիճան

1) Ահա պարսապական հօլով զիւրեաւ, որ ցարդ մնացել է Արցախի հասարակութեան բերանում գործածութեան մէջ:

2) Ամբողջ Արցախը հիտազօտած ժամանակ անուշադիր չթողի Պուղին, այլ աշխատեցի ստուգել և կարելոյն չափ ճշակել կղելութիւնը: Ահա այս է այն ասարբրութեան պատճառն, որ կայ ներկայ և նախորդ տպագրութեան մէջ:

սիրուում, յարգուում և դնահատուում է Պուզին Մէլիբից:

— Ազա Պուզի, ես մեռնելու եմ, ամբողջացել եմ իմ կեանքի օրերն, մօտեցել է մահն, կանգնած եմ գերեզմանի դրան, և բաժանուում եմ քեզանից: Ծնորհակալ եմ քեզանից մինչև երկինք. դու լաւ ընկեր եղար իմ ամբողջ կեանքին, սրբութեամբ կատարեցիր քո սուրհանդակի պաշտօնը, և վերջին ծայր հաւատարիմ եղար իմ պատուին, իմ անուան, իմ օճաղին. մէկ խօսքով դու եղար ինձ համար հարազատ եղբայր, անկեղծ բարեկամ, ճշմարտախօս զօարճաբան, աներկիրը հրահանգիչ, անվտանգ առաջնորդ և օգտակար խորհրդատու և միանգամայն իմաստուն կառավարիչ: Առ այս քսակը, 200 ոսկի է, մինչև մահդ հերկը է քեզ էլ որդոցդ էլ: Դու շատ բանի արժանի ես, այդ չեմ տալիս քեզ իբրև վարձատրութիւն, ոչ, շատ բարձր է քո արժանիքն այդ չնչին մետաղից, այլ տալիս եմ ի նշան իմ երախտագիտութեան: Եստ անգամ բարկացել եմ, հայհոյել եմ, վշտացրել եմ քեզ, ներողամիտ եղիր ինձ, բաշխիր ինձ: Դէ, ինձ համար պատմիր «այս ես անցանէ»ն:

162.

Ծնորհակալ եմ, իմ հայր Մէլիբ, որ դնահատուում էք իմ ծառայութիւնը: Ես ձեզ ծառայելով, ծառայած եմ Աստուծոյ, ծառայած եմ Ազգիս, ծառայած եմ ճշմարտութեան, այդ ամենը անխուսափելի պարտք համարելով ինձ: Մէլիբ, ես էլ շատ անգամ վշտացրել եմ ձեր սիրտը, ներողամիտ լինիք: Որովհետև ամեն մի ճիւղ պահանջում էր ինձանից իւր անհրաժեշտութիւն. — սուրհանդակութիւնն պահանջում էր շուտափոյթ կատարոււմ և սրբութեան հաւատարմութիւնը. իսկ զուարճաբանութիւնն էլ պահանջում էր ընդարձակ դործողութիւն, բայց ես կարելոյն չափ համեմեցի աղով ու պղպեղով, որ թէ համով լինի և թէ շատ դուրս չգայ իւր սահմանից: Կարճ ասեմ, Մէլիբ, ես աշխատեցի իմ կարողութեան չափով պաշտպանել օտարների առաջ Հայոց ազգի, կրօնի և հայրենիքի պատիւը և դիրքը, իսկ մերայնոց և հողևորականութեան մէջ աշխատել եմ ամենայն համարձակութեամբ խօսել նեմարիսը, արդարը, օգտակարը,

պատուարեք, հարուածելով անիրաւութիւնը, քնտաւարութիւնը և անպատուաբեր երևոյթները:

Այժմ պատմեմ ձեր խնդրածը:

163.

Մի գիւղացի աղքատ մարդ իւր որդին տանում է քաղաք և տալիս մի հարուստ վաճառականի և խնդրում որ վաճառականութիւն սովորցնէ իւր որդուն և մի կտոր հացի տէր անէ, որ ապագայում ապրի իբրև լաւ մարդ:

Վաճառականն ընդունում է տղան և, տեսնելով նորա մէջ ընդունակութեան շքնորհք, նախ տալիս է երևելի ուսում և լեզուագիտութիւն և ապա սովորցնում վաճառականութիւն, և քանի անգամ էլ իւր հետ տանում է ման ածում շահավաճաքաղաքներ և երևելի վաճառանոցներ: Վաճառականիս գործերն օրաուր յառաջադիւմում են յաջողութիւնից յաջողութիւն և բախտաւորութիւնից բախտաւորութիւն: Այնպէս որ ասես թէ Աստուած մեր այս աղային պատճառաւ օրհնում է մեր

վաճառականի տունը, առ և տուրք, նիստ և կացը, բախտն էլ հեղեղի նման ամեն կողմերից յորդում և բերում է հարստութիւնը և լցնում վաճառականի տունն, խանութն և արկղներն:

Անցնում են մի քանի տարիներ, դսգցէս խոսվում է բախտն, ներհակ է շրջում անյաջողութեան անիւն. ինչպէս եկել էր, այնպէս էլ դնում անհետանում է մեր վաճառականի հարստութիւնն, դատարիւում են խանութներն, արկղներն և ամբարներն: Վերջապէս սնանկանում է վաճառական և Աղամի նման մերկացած ամեն նիւթակահից՝ սկսում է չքաւորուել: Վախճանում են և խեղճ գիւղացի աղայի ամեն ազգականներն, իսկ ինքն տեսնելով որ այլ ևս անկարելի է մնալ իւր աղայի տան, գնում է մի գիւղացի կալուածատէր հարուստ մարդի մօտ, ինքը զինքը ծախում նորա վերայ և փողերը առնելով յղում իւր սնանկացած վաճառականին հետևեալ թղթով:

«Աղա, որովհետև դու լաւ կերած, լաւ լամած, լաւ ապրած սովոր ես, առնես այս գրաբեր մարդիցս այսչափ փող, որ է իմ

կեանքիս գինն, և ծախսես. Աստուած ողորմած է. ես էլ գտնուում եմ այս անուն երկրի, այս ինչ գաւառի այս ինչ անուն գիւղում»:

Մարդ ու կին առնում են փողերը և շատ ուրախանում. կինն ասում է. «Ա, մարդ, ես իմ Աստուած, եթէ մեր փոքրից ծնուած հարազատ որդին անգամ լինէր, այս աստիճան զոհողութիւն չէր անիլ մեզ համար: Դէ ուրեմն վեր կաց, դնա և տես թէ ինչպէս է մեր հոգեղաւակն և մեզ համար բեր մի ուրախալի տեղեկութիւն»:

Գնում է մարդն և գտնում իւր հոգեղաւակը, որը գիւղացին եղին հետ լծած վար է անում: Տեսածին պէս երկու ձեռնով զարկում է իւր գլխին և ասում. «Աւաղ, զաւակս, լաւ էր, որ ես մեռած լինէի, քան քեզ այս դրութեան մէջ տեսնէի: Տէր, ա՛ռ իմ հոգին, որ չտեսնեն իմ աչքերն իմ որդու կրածը...»:

— «Աղա, շատ մի ցաւիլ, այս էլ կանցնի»:

Յետոյ գառնում է տուն մարդն, պատմում իւր կեով տեսածը, շատ ցաւում են երկուքն էլ:

Անցնում է մի ժամանակ, գիւղացի հարուստ կալուածատէրն մեղքանալով շնորհալի աղային վերայ, տանում է, մայրաքաղաքում մի հարուստ բանկիրի վերայ ծախում տղան: Բանկի տէրն, մի քանի տարում փորձելով տղայի ճիշտ հաշուեպահութիւնը, վերջին ծայր հաւատարմութիւնը, օրինակելի աղնութիւնը, բոլորովին ազատ է անում և իւր միակ դուստրը — նախընտրելեար օրիորդը հարսնացնում աղային: Այնուհետև մեր տղան առած ամսականների մեծ մասը յղում է իւր նախկին ազա վաճառականին, որ գալով տեսնում է իւր հոգեղաւակը նշանաւոր փառքի մէջ, սաստիկ ուրախանալով կոչում է. «Տէր, այժմ առ իմ հոգին, որովհետև այժմ տեսի զաւակս փառքի և հանգստութեան և ուրախութեան և պատուի մէջ»: Պատասխանում է տղան, «Աղա, շատ մի ուրախանալ, այս էլ անցաւոր է. Այս ես անցանէ»:

Դարձեալ անցնում է մի քանի տարի, մեռնում է այն երկրի թագաւորն, որի սերունդից չէ լինում ոչ արական և ոչ իգական, որ քահակալէ: Այն տէրութեան բոլոր նա-

հանգնելից և քաղաքներից հաւաքուում են պատգամաւորներ ըստ սովորութեան և թող տալիս Զիւմրիւտ-ղուշին, որ երեք անգամն էլ դնում և կանդնում է մեր տղայի գլխին: Քալիս են բոլոր պատգամաւորներն, ուրախութեամբ տանում, առօք փառօք բազմեցնում թագաւորական աթոռի վերայ, գլխին դնում թագաւորական թագը, ծունկ խոնարհում ամենքն և միասին ասում. «Թագաւորն ապրած կենայ, թագաւորն ապրած կենայ. թագաւորին մին օրն հաղար, թագաւորին արևն խնդանք¹⁾»:

Կրկին գալիս է վաճառականն, իւր հոգեգաւակը թագաւոր տեսածին պէս ուշաթափուում է սաստիկ ուրախութիւնից, երբ ուշքի է գալիս, ասում է. «Աստուած, քեզ փառք, այժմ կատարեալ է իմ ուրախութիւնն, այժմ իմ աչքերս տեսան պսակուած իմ հոգեգաւակի աննման խոնարհութիւնն, ազնուութիւնն, տիրասիրութիւնն և հազդազիւտ հաւատարմութիւնն: Ասում է

1) Պարբարի ձեն, որ ցարդ մնացած է Արցախում. այսինքն է «յարև թագաւորին խնդանք»:

վերստին թագաւորն. «—Աղա, շատ մի ուրախանալ, որովհետև «Այս եւս անցանէ». ապա ասում է. —Աղա, քո գործերի յաջողութիւնն զագաթնակէտին հասած ժամանակ քանի՞ հաղար թուման ունէիր, երբ սնանկացար:—Պատասխանում է. յիսուն ցաղար: Թագաւորն իւր ամսականներից 50,000 թուման տալով ասում է. —Աղա, դէ, տար այս փողերը. էլի առաջուան պէս փառաւոր ապրիր և փառաւոր առ և տուր արա:

Անցնում են դարձեալ մի քանի տարիներ, գալիս է վաճառականն, տեսնում է որ միևնոյն նոր մեռած թագաւորի գերեզմանի վերայ ձգած են մի մարմարիտն տապանաքար, որի վերայն քանդակուած է այն համառօտ արձանագրութիւնն. «Այս եւս անցանէ»:

Մի քանի տարի անցներուց յետոյ, խորին ծերութեան հասած վաճառականն վերջին անգամ գալիս է, որ օրհնել տայ թագաւորի գերեզմանը, տեսնում է որ այլևս չկայ մարմար տապանաքարն, քանզի այս ևս անցել էր:

164.

Մէլիք, մի աղուէս ընկնում է որոգայթի մէջ, տէրն, առանց սատկեցնելու, սկսում է մաշկել ետեւի կողմից մինչև կէսը. մորթին ածում է դլլտոֆն, կարծելով թէ այլևս չփախչէր, հանում է առաջի երկու տասները որոգայթից, իսկոյն ծլկում է (փախչել) աղուէսն: Մի գայլ տեսնում է և հարցնում. — Աղուէս եղբայր, այդ ի՞նչ է քո հայն, շունն էլ քո օրում չլինի:

— Ծնորհակալ եմ, գայլ եղբայր, 7 կրօնաւորից երջանիկ եմ որ խաթրս հարցրիր, շատ անգամ մեռնում է միայնակեաց կրօնաւորն, ոչ ոք չէ իմանում, երբ առնում են մեռելի հօտը սենեկի դռնից, ներս են մտնում և թքում վախճանածի մօտ ասելով. թիւհ, չիմացանք հիւանդ լինելը որ գայինք — այցելէինք:

165.

1792-ին վախճանում է Վարանդայ գաւառի Մէլիք-Նահապարհ¹⁾, որին յաջորդում է իւր որդի Մէլիք-Զիւմշիւտն: Ինչպէս պատմում են, այնուհետև Պուղին ապրում է առանձին իւր զաւակների և կնոջ հետ: Պուղին մասնակցում է այնուհետև հարազատ մէլիքների և հայ քաջերի խմբին, մանաւանդ Աղա-Մամատ-Նահի կրկնակի արշաւանքների ժամանակ մինչև 1805 թիւն:

166.

1798—1798 մեծ սովի և մահտարածամի ժամանակ վախճանում են Պուղու կինն, որդիքն և հարսներն: Պուղին ծախում է իւր տունը, պարտէզը և այգին և գրամները լցնում մի փոքր խուրճինի մէջ և յաւիտեան բաժանում Աւետարանոցից: Գիւղից հեռանալու ժամանակ հարցնում են տեսնողներն:

1) Մէլիքս թողնում է չորս որդի Զիւմշիւտ, Յուսէյին, Զհանկիր և Զհանբաշխ:

— Պուղի, այդ ինչ է շալակած խուրջի-
նիդ միջինն:

— Տունս, բազս, բազչաս: 501-5071

167.

Պուղին իւր խորին ծերութեան մէջ
հիւանդ էր Շօշու գիւղում: Հաւաքուում են
ամեն քահանաներն և ժողովրդականք իւր
անկողնու շուրջն և կարեկցաբար հարցնում:

— Պուղի ապեր, ինչ է ուզում սիրտդ,
քեզ մատաղ, ասան, որ առնենք, բերենք,
ուտես և օրհնես մեզ:

— Ես ձեզ մատաղ, ձեզ կեապիւտն
(երկինքն) օրհնէ, ձեզ օրհնէ այն Աստուածն,
որի ձեռքից վերև ձեռք չկայ (բացի Աստու-
ծուց չկայ ուրիշ Աստուած և ուրիշ բարձր
ձեռք): Ձեզանից ուզում եմ դրախտի խըն-
ձոր, անմահական բաժակ. Աստուծոյ հաց,
Քրիստոսի օրհնած հացը և գինին. ձեզա-
նից ուզում եմ Սրբութիւն, որ ճաշակուեմ,
գնամ Քրիստոսիս մօտ: Խնդրում եմ ձե-
զանից թաղել իմ մարմինը այն քարայրում,
որի մասին արդէն ես ձեզ ասել եմ, և ա-

նունը կը դնէք (կանուանէք) «Պըլը-Պուղու
քարայր»:

Վախճանեց Պուղին և ամփոփուեց քա-
րայրին մէջ, որ կայ Շօշու և Արկաթալու
գիւղերի մէջ մեծ հանդիսով և պատուաւոր
յուղարկաւորութեամբ:

«Յիշատակն արդարոց օրհնութեամբ
եղիցի»:



ՅԵՐԵՄԻԱՍ (Երեմիայի) գրքի 141-րդ գլուխը

Երեմիայի 141-րդ գլուխը
Երեմիայի 141-րդ գլուխը
Երեմիայի 141-րդ գլուխը

Երեմիայի 141-րդ գլուխը
Երեմիայի 141-րդ գլուխը
Երեմիայի 141-րդ գլուխը



Երեմիայի 141-րդ գլուխը
Երեմիայի 141-րդ գլուխը
Երեմիայի 141-րդ գլուխը
Երեմիայի 141-րդ գլուխը
Երեմիայի 141-րդ գլուխը
Երեմիայի 141-րդ գլուխը
Երեմիայի 141-րդ գլուխը
Երեմիայի 141-րդ գլուխը
Երեմիայի 141-րդ գլուխը
Երեմիայի 141-րդ գլուխը

Հեղինակի երկասիրութիւններն

Տ ա կ ե ա լ

- | | | | | |
|-----|--|---------|----|----------|
| 1. | Մերզա և Աննա | . | . | ուպառեալ |
| 2. | Արազը տարին կտարի | . | . | » |
| 3. | Պըլը-Պուղի նախկին տիպ | . | . | » |
| 4. | Զնաշխարհիկ տղայ | . | . | » |
| 5. | Գաղտնիք Ղարաբաղի (Թարգմ.) | . | . | » |
| 6. | Քննադատութիւն քննադատութեանց | 40 | կ. | |
| 7. | Աղուանից երկեր և Գրացիք | . | . | 1 ըուբ. |
| 8. | Արցախ | . | . | 2 ըուբ. |
| 9. | Քրիստոնէական վարդապետութիւն | 45 | կ. | |
| 10. | Զօբանն ու նշանածը | . | . | 40 կ. |
| 11. | Բարոյական առաձներ | . | . | ուպառեալ |
| 12. | Մատչելի քարոզներ Ա. տետրակի | . | . | » |
| 13. | » | » | Բ. | » |
| 14. | Աստուածային հրահանգ Հանրապար-
տուց | . | . | 80 կ. |
| 16. | Պատմութիւն Աղուանից Ա. հատ. | 1 ըուբ. | 30 | կ. |
| | ճանապարհաճախսով 1 | » | » | 50 կ. |
| 16. | Պըլը-Պուղի Բ. տպագ. ճանապարհա-
ճախսով | . | . | 45 կ. |

Ա ն տ ի պ

Նախապաշարմունք

Աստուծոյ օրհնած առւնն

Պատմութիւն Աղուանից Բ. հատ.

Յանկացոյ՛ կարոյ եմ դիմել Տպուած գրեթէս
համար Ս. Էջմիածին Մակար Կաթիկոսոս Բար.
խաւարեանցին